

未曾有正法經

總

深

C40
4514
91



6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

C40-4614



B 64853

佛說未曾有正法經卷第一

宋西天三藏朝奉大夫試鴻臚卿傳教大師

法天奉詔譯

如是我聞一時佛在王舍城鷲峯山中與大苾芻衆
萬二千五百人俱是時有菩薩摩訶薩八萬四千人
從諸佛刹而來集會是諸菩薩皆具大智得大總持
具無礙辯悉證無生法忍入三摩地總持智門了諸
衆生心所樂欲善說法要如法解脫復有四大天王
并帝釋天娑婆界主大梵天王及無量百千天龍夜
叉乾闥婆阿脩羅迦樓羅緊那羅摩睺羅伽人非人

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30 1 2 3 4

等皆來集會是時有大菩薩名妙吉祥在其山側與
三十五大菩薩衆俱其名曰龍吉祥菩薩摩訶薩龍
授菩薩摩訶薩吉祥生菩薩摩訶薩吉祥藏菩薩摩
訶薩最上蓮華吉祥菩薩摩訶薩蓮華吉祥生菩薩
摩訶薩持世菩薩摩訶薩持地菩薩摩訶薩寶手菩
薩摩訶薩寶印手菩薩摩訶薩師子意菩薩摩訶薩
師子無畏音菩薩摩訶薩虛空藏菩薩摩訶薩平等
心轉法輪菩薩摩訶薩了別一切句義大辯菩薩摩
訶薩辯積菩薩摩訶薩海意菩薩摩訶薩妙高王菩
薩摩訶薩愛見菩薩摩訶薩喜王菩薩摩訶薩無邊

視菩薩摩訶薩無邊作行菩薩摩訶薩破諸魔菩薩
摩訶薩無憂授菩薩摩訶薩一切義成菩薩摩訶薩
復有四兜率天子其名曰普開華天子光明開華天
子曼陀羅華香天子精進法行天子是諸天子以信
樂心故各與諸眷屬來詣妙吉祥菩薩所聽受正法
是時諸大菩薩及天子衆既至會已次第而坐是時
大眾咸作是言佛一切智甚深無量廣大無邊不可思
議無有比倫最上無勝不可了知云何菩薩摩訶
薩被精進鎧而能趣證阿耨多羅三藐三菩提耶爾
時會中有大菩薩名龍吉祥謂諸菩薩言若有菩薩

種諸善根心無所著迴向實際是名安住諸善根法
被精進鎧是菩薩摩訶薩卽能趣證佛一切智龍授
菩薩言若菩薩發平等心調伏心愛樂心適悅心柔
軟心無分別心是名堅固被精進鎧卽能趣證佛一
切智吉祥生菩薩言若有菩薩於多劫中樂欲了知
佛一切智當於無量劫中被精進鎧爲諸衆生難行
苦行不自貢高是能趣證佛一切智吉祥藏菩薩言
若諸菩薩起利他心不著自樂不樂禪定而能普爲
一切作大利益以無量善根迴向一切衆生是能趣
證佛一切智最上蓮華吉祥菩薩言如佛所說若諸

菩薩於一切法無自無他無顯無密普能調伏無諸
起作於一切行而盡能行是爲菩薩住奢摩他相應
之法自能行已復能教他是菩薩即能趣證佛一切
智蓮華吉祥生菩薩言若諸菩薩著世間法卽不能
了知佛一切智若於世間法無所樂著無利無衰無
毀無譽無稱無譏無苦無樂卽於諸法無增無減是
謂菩薩出離世間卽能趣證佛一切智持世菩薩言
若諸菩薩以諸勝行利益一切衆生而獲自利不以
自他而生分別但以善根迴向一切起大精進常爲
衆生種諸善根是名菩薩安諸勝行卽能趣證佛一

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30

經

佛說寶印經卷第一

三

游

切智持地菩薩言譬如大地能生樹木諸藥草等敷
榮結實悉能成就乃至萬物皆因地而有而彼大地
不作是念我生草木而成熟之及於萬物依止而住
一切衆生依法界地而得生長不作是念能生衆生
菩薩摩訶薩亦復如是起平等心猶如大地長時利
樂一切衆生不作是念我能利樂一切衆生離其分
別卽能趣證佛一切智寶手菩薩言精進鎧者行諸
勝行廣大無量自非具大善根而不能行若諸菩薩
住平等心無分別想乃至夢中於諸衆生不生喜恚
普令有情被大乘鎧趣證佛智平等而住亦無聲聞

緣覺之意是菩薩卽能趣證佛一切智寶印手菩薩
言所有衆生界各各令起大悲心普施法印是諸衆
生無信者令生正信無聞者令其多聞慳貪者令行
布施毀禁者令具戒足瞋恚者令行忍辱懈怠者令
起精進散亂者令住禪定愚癡者令具智慧而令常
修善法皆使圓滿具足善根常行菩薩三種寶印何
等爲三謂令衆生佛智圓滿所有善根悉能迴向一
切衆生是爲第一寶印自所作善普皆利益成就一
切衆生善根是爲第二寶印觀有情界猶若虛空自
性清淨是名第三寶印若菩薩常行是事無有休息

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

卽能趣證佛一切智師子意菩薩言若菩薩精進堅固而無所畏不能破壞無懈怠心無驚怖想勇猛不退於輪迴中捍勞忍苦無怯無懼而能出離趣證涅槃於苦樂法平等而住無有二相夫如是者是爲菩薩被精進鎧卽能趣證佛一切智師子無畏音菩薩言譬如世間有力之士難屈難伏所作能辦是名正士其正士者常行正法離諸罪垢不生邪見勤行大行心常柔軟無麤惡相離諸卒暴是名正士常發善言親近善友以殷重心尊敬師長順行正道無所違背是名正士離諸貪愛修正命行以清淨業絕其過

失以智慧心斷愚癡見於自三業安住寂靜復於他人不生擾撓不議好惡長短無毀無譽是名正士愍諸貧窮而行惠施無怨親想內心質直外相柔和離諸邪曲守真實行以無上法娛樂其心寂然堅固平等而住是名正士於諸衆生所有障礙爲其破滅於身命財而能普施於勝義法不生慳惜見諸衆生無福無慧者而爲滅除諸不善法然後施與妙法寶藏貧苦衆生常施珍寶疾病衆生施與醫藥怖畏衆生施其安樂無依怙者爲作主宰墮輪迴者而爲救度在閻暝者爲作光明而照導之在邪道者示以正道

6 7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

何故者。菩薩當轉法輪經卷第一

五

附

常以法語教導一切見其過失不生恚怒是名正士
諸菩薩當修是行卽能安住奢摩他相應之法而能
趣證佛一切智虛空藏菩薩言菩薩等視衆生行大
慈觀猶如虛空無有邊量行大悲觀無量無邊亦復
如是常生歡喜守護諸根離其染著於六波羅蜜法
行無懈倦行於布施等如虛空無所罣礙持戒忍辱
精進禪定智慧皆亦如是菩薩卽能趣證佛一切智
平等心轉法輪菩薩言若有菩薩行菩提道當於諸
法不起諸相及分別心卽不爲魔之所惱害常得諸
佛之所愛念諸天龍神常所衛護所作善根真實無

失若菩薩於法生有相心起分別想卽爲魔境界爲
魔所動諸佛不能攝受諸天不能衛護若堅固不動
無相無分別者是菩薩當轉無上法輪普爲一切何
以故菩薩了諸法無起無作故菩薩雖起諸心而無
所著故以無相心證佛菩提乃至轉妙法輪亦復如
是此卽名爲菩薩摩訶薩被精進鎧而能趣證佛一
切智了別一切句義大辯菩薩言諸正士當知一切
處是菩提煩惱是菩提諸所作是菩提有爲法是菩
提無爲法是菩提有漏法是菩提無漏法是菩提有
著心是菩提無著心是菩提善根是菩提不善根是

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30

菩提世間法是菩提出世間法是菩提輪迴法是菩提涅槃界是菩提虛妄是菩提真實是菩提蘊處界是菩提地水火風空是菩提菩薩摩訶薩了一切法自性空故諸有所作皆無自性於一切義如實了知譬如虛空徧一切處菩提之法亦復如是徧一切處若菩薩解了諸法當具辯才而得正智分別句義卽能趣證佛一切智辯積菩薩言若菩薩智慧解脫諸有所作皆不可取心無相故無所增減不動不搖於一切語言如理而解毀謗稱譽亦不能動所有一切外道語言一切如來語言若內若外若隱若顯皆悉

平等無有差別知一切法皆歸寂滅心無所著安固不動如妙高山無動轉相若菩薩智慧解脫歸寂滅心者卽能趣證佛一切智海意菩薩言菩薩大智慧海萬法所歸平等一味菩薩多聞總持諸法之性一味無異了知諸法本真自性非無所有從緣生法卽真實義種種善根之所從生應如是法不增不減本末之性福利無盡究竟寂滅非斷非常自如實知復於衆生起無量心無忘無失常生尊重而爲顯說平等宣示不共之法廣爲衆生種諸善根是菩薩卽能被精進鎧趣證佛一切智妙高王菩薩言諸正士應

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 11 12 13 14 15 16 17 18 19 30

知佛一切智未易可知難可度量豈能趣證所以者何若諸菩薩超過一切世間衆生心行超過一切世間衆生見聞乃至信樂知識悉能超過世間衆生者而能於布施持戒忍辱精進禪定智慧所有福聚踰於須彌者是菩薩卽能趣證佛一切智愛見菩薩言菩薩摩訶薩於六塵境觀無所觀乃至緣無所緣何以故若色若心本性清淨故色清淨故眼無所觀聲清淨故耳無所聞香清淨故鼻無所覩味清淨故舌無所了觸清淨故身無所覺法清淨故意無所緣所以者何諸根清淨自性空故無自無他無愛無厭自

性平等觀諸衆生無有高下悉皆平等於諸佛法起決定心不生疑惑樂法無厭得已還施施無悔惱漸能圓滿一切佛法是菩薩摩訶薩若如是者卽能趣證佛一切智喜王菩薩言菩薩摩訶薩安住布施忍辱之心若能有人毀罵訶責期剋打擲菩薩於此不生瞋恚心而作歡喜想於諸衆生常爲善友無自他相無能毀者無所毀者諸法皆空內空外空我相人相悉皆空故所以常生歡喜心行布施行設有求頭目手足妻子眷屬乃至身命無惜無惜歡喜布施菩薩樂求妙法若聞一偈設有轉輪王位亦不戀著若

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 11 12 13 14 15 16 17 18 19 30

得一衆生發菩提心者設有帝釋位亦不愛樂若暫聞希有之法設有梵天王位亦不愛樂若得見諸如來設使三千大千世界滿中珍寶棄如瓦礫樂見諸佛歡喜圓滿諸根具足成就菩提分法卽能趣證佛一切智無邊視菩薩言菩薩摩訶薩無我見相觀一切法悉皆清淨不生疑惑卽能得見一切諸佛觀諸色無所著無色想見諸衆生不作衆生想乃至觀諸世間一切色像亦復如是肉眼所見一切佛刹皆悉清淨業報清淨故卽得天眼具足具大神通而得慧眼具足圓滿不共佛法卽得法眼具足離諸煩惱卽

得佛眼具足是菩薩當得十力具足卽能趣證佛一切智無邊作行菩薩言諸佛一切所作皆是菩提所以者何菩提者一切智之所出生無內想無外想亦無中間是故菩薩於一切法而無所著卽得煩惱界滅盡無餘無有魔事出魔境界是菩薩卽能趣證佛一切智破諸魔苦薩言若菩薩不起我見卽離諸見諸見不生能離魔業卽能了悟諸蘊諸蘊皆空我相永滅我相滅已魔無能爲魔業旣滅諸障解脫遠離諸障卽得菩提是名趣證佛一切智無憂授菩薩言若人造不善業常生憂懼追悔自責若人造諸善業

無所憂懼是故菩薩常行善法無有間斷相續現前
卽不爲憂惱毒箭之所傷害卽能被精進鎧趣證佛
一切智一切義成菩薩言若善男子戒法具足行願
具足卽能安住戒法根本譬如妙香普熏一切而能
離諸過失遠離諸惡乃能圓滿菩提分法菩提分法
旣圓滿已成一切智由是當知戒足爲本菩提分法
而得成就菩薩了如是者卽能趣證佛一切智如是
諸菩薩各說法已會中有兜率天子名普開華作如
是言諸菩薩譬如世間有妙華樹開敷茂盛色香鮮
美人多愛樂諸菩薩摩訶薩亦復如是若諸法解脫

如華開敷莊嚴一切苦薩摩訶薩共所愛樂又如初
利天宮園生之樹廣大嚴麗華開美盛適悅可樂苦
薩摩訶薩若具法解脫開華莊嚴一切菩薩及諸人
天其所愛樂亦如最上大摩尼寶淨無瑕翳具如意
德菩薩摩訶薩內心清淨無諸垢染具法功德如是
卽能趣證佛一切智光明開華天子言諸菩薩如日
舒光能破諸闇一切色像而得顯現菩薩摩訶薩亦
復如是具智慧光舒妙法炬普照衆生令除癡闇皆
悉明徹慧光顯現無諸闇暝而不復爲愚盲所覆常
履光明道是故菩薩引示一切失道衆生令行正道

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

卽能趣證佛一切智曼陀羅華香天子言諸菩薩曼陀羅華妙香遠聞滿自由旬菩薩摩訶薩具戒定慧亦復如是戒香定香慧香偏於世間普聞一切若諸衆生聞是香者一切煩惱皆悉銷除是菩薩摩訶薩具足如是法功德香卽能趣證佛一切智精進法行天子言若諸菩薩暫時懈退卽不能修進勝行得佛菩提果若精進心不計劫數長時勇猛種諸善根心無厭足常行八種助道之法何等爲八一者勸助勝行相應之法二者常修四無量行慈悲喜捨之法三者修習五種智通智慧之法四者常行四攝之法謂

布施愛語利行同事五者於三解脫門忍法具足六者廣爲他人宣說妙法七者發起無上大菩提心八者作善方便迴向一切攝諸正法菩薩行此八法卽能趣證佛一切智爾時妙吉祥菩薩摩訶薩告諸菩薩及天衆言諸菩薩摩訶薩當於諸法離諸分別卽證佛智云何離分別謂不分別三界不分別諸見不分別是內是外不分别是聲聞地是緣覺地是愚異生地亦不分别是輪迴是煩惱是能觀是所觀是因是果是境界非境界是增是減是我見是我所見是慳貪是布施是毀戒是持戒是瞋恚是忍辱是懈怠

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

是精進是散亂是禪定是愚癡是智慧亦不分別是
 善根能生諸善法是不善根能生諸不善法不分別
 是世間法是出世間法住平等法不分別是有爲是
 無爲不分別是有著心是無著心不分別是有漏是
 無漏諸菩薩當知是法無所分別住平等相應卽能
 趣證佛一切智復次諸菩薩摩訶薩諸佛阿耨多羅
 三藐三菩提本不可得何以故非心所緣非智所知
 唯佛而證與佛等者一切智亦等於一切智觀無所
 有無所有故是故於一切智無所著非色取受想行
 識皆不可取是名一切智無法相亦無非法相是名

一切智無檀波羅蜜可證尸羅波羅蜜可證羼提波
 羅蜜可證毗離耶波羅蜜可證禪波羅蜜可證般若
 波羅蜜亦不可證所以者何以諸法無所得是故一
 切智亦無所得復次諸菩薩一切智非三世可得過
 去不可得現在不可得未來亦不可得不著三世故
 非眼識所觀非耳鼻舌身意識所觀何以故離諸境
 界故諸菩薩摩訶薩成就一切智者當如是住所以
 者何一切法亦如是住諸法平等一切智亦平等乃至
 諸佛法凡夫法皆悉平等如是一切法平等是名
 一切智菩薩摩訶薩當如是住應如是學譬如四大

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

自性皆無本自有性亦不可得何以故自性空故世間諸善不善法自性空故亦不可得何以故非分別故分別既空是真實義爾時妙吉祥菩薩說是法時會中有二千天子得無生法忍萬二千天子發阿耨多羅三藐三菩提心

佛說未曾有正法經卷第一

音釋

捍

侯吁切
衛也

撓

奴巧切
亂也

礎

郎擊切
小石也

瑕

胡加切
玷也

佛說未曾有正法經卷第二

宋西天三藏朝奉大夫試鴻臚卿傳教大師法天奉詔譯

爾時辯積菩薩摩訶薩前白妙吉祥菩薩言今當共詣佛所問菩薩摩訶薩當云何住是時妙吉祥菩薩卽於會中不起于座攝菩薩形化如來像相好具足與釋迦牟尼佛等無有異卽告辯積菩薩言如來在此汝今當問爾時辯積菩薩不知化相謂卽如來前詣佛所而發問言世尊菩薩摩訶薩當云何住化佛答言如我所作菩薩應如是住辯積菩薩言如佛世

6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

尊復云何住化佛答言佛世尊者不行持戒忍辱精進禪定智慧之法不著欲界色界無色界不行身業不發語業不起意業如是於一切處無所行善男子一切所行皆悉如化辯積菩薩言如佛世尊亦幻化相耶化佛答言如是菩薩摩訶薩當如是住辯積菩薩卽白佛言云何世尊亦幻化相耶化佛答言不也善男子一切諸法皆幻化相辯積菩薩言如是如是諸法性空皆幻化相云何我佛世尊亦幻化耶化佛答言善男子豈唯此佛是幻化相所有一切如來皆幻化相辯積菩薩言誰爲能化者化佛答言自

業清淨非有能化及所化者亦無我無人無衆生無壽命無士夫無有識無補特伽羅無佛無異生等相辯積菩薩白佛言世尊當云何學而得菩提化佛答言一切法無所學菩薩當如是學諸法無所行菩薩應如是學諸法無所畏菩薩應如是學諸法無疑惑菩薩應如是學諸法無所有無所緣無虛妄無聚集無所作無文字無生無滅無已有無今有無當有非幻化非色像非智所觀離一切想菩薩摩訶薩應如是學如是學者是名正學無所減失亦無增長若如是學者無所遠離無所戲論無所樂無所厭無喜無

6 7 8 9 10 11 12 13 14 15 16 17 18 19 20 11 12 13 14 15 16 17 18 19 20

30 11 12 13 14 15 16 17 18 19 20

恚無來無去若如是學是名正學是故善男子若有樂求阿耨多羅三藐三菩提者當知無輪迴無涅槃無取無捨無施無慳無戒無犯無忍無恚無勤無惰無定無亂無智無愚非學非無學非行非不行無所得無所證無菩提無佛法無我想無人想無衆生想無壽者想無補特伽羅想無法想亦無非法想非有想非無想何以故諸法如幻化無二無差別無動轉相一切法非色取相眼不能觀一切法無分別相非心所知諸法性空無法可行無菩提可得是故善男子諸菩薩摩訶薩當如是行如是修學若有善男子

聞是說者不生驚怖不生疑惑是人卽能證得阿耨多羅三藐三菩提復次善男子譬如虛空不可侵害火不能焚風不能轉水不能注塵不能坌煙雲雷電皆不能著虛空無罣礙故菩薩摩訶薩亦復如是心無罣礙不爲諸法之所動轉無樂欲無貪捨心若虛空蘊等諸魔所不能動是菩薩當證阿耨多羅三藐三菩提而能普爲衆生作大利益而無窮盡爾時化佛說是法已隱而不現妙吉祥菩薩却復本形辯積菩薩前白妙吉祥菩薩言如來世尊從何所來適當說法今何所往妙吉祥告言本無所來今亦無去又

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

問無來之來從何所來答曰從如是來辯積菩薩言如佛所言一切如來皆幻化相幻化相者非所從來亦無所去耶妙吉祥言如是如是如所化相無來無去一切法一切衆生亦如是辯積菩薩又問言一切法何所住妙吉祥菩薩言諸法無自性如是住又問一切衆生復云何住答曰一切衆生彼彼業報亦如是住又問一切衆生業報云何答曰諸法無主亦無業報諸法平等今如是住又問無業報者彼彼業報云何答曰如所作業如所受報是爲業報又問衆生業報性空當生亦爾復云何受答曰如真實法無業報及無有生非有非無是爲業報然衆生業報無亡無失自業性空是真實義妙吉祥菩薩說是法時釋迦牟尼佛會中有尊者舍利子阿難及餘聲聞等以佛威力故聞妙吉祥菩薩所說妙法是時舍利子卽從座起前白佛言世尊希有彼諸菩薩各以種種善巧方便宣說甚深之法若有聞者其誰不發阿耨多羅三藐三菩提心佛告舍利子菩薩摩訶薩以無著心修學諸行以無懈心宣說正法舍利子如菩薩所行所得果報所有智慧及所說法皆亦如是如汝舍利子所行所學皆聲聞行有所著相所得智慧亦

復如是爾時有菩薩名光嚴卽從座起前詣佛所而白佛言世尊云何名聲聞行佛言善男子聲聞行者於法有所限量於所修行不能遠離諸相樂離生死趣證涅槃狀捨衆生不能濟度智慧狹劣無廣大心所以菩薩觀聲聞行猶若愚盲是故菩薩心行無所著智慧無限礙而能廣度衆生利益無量是時光嚴菩薩復白佛言世尊彼妙吉祥菩薩及諸大士莫於今時而來此會說妙法耶我等樂聞何以故妙吉祥菩薩證甚深法入解脫門以無礙辯善說法要爾時釋迦牟尼佛卽以神通警覺令妙吉祥菩薩來赴法會是時妙吉祥菩薩與二十五大菩薩及天人衆咸到釋迦牟尼佛所各各頭面禮佛雙足右繞三匝住於一面是時光嚴菩薩卽白妙吉祥菩薩言云何大士離於佛所異處說法妙吉祥答言佛所說法甚深難解離諸語言非我能知光嚴菩薩言佛所說法甚深難解如大士者智慧無量尚不能知我等云何當能了解妙吉祥菩薩言唯佛與佛而悉通達非如來者不能信悟是故我今隨力演說其所說法但如法說於真實法界非離非不離如是所說是名說法於諸語言於諸戲論於諸名相於諸生滅亦非離非不

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

離諸法平等是名說法諸法無自相無他相無法相亦無非法相非輪迴相非涅槃相是名說法爾時釋迦牟尼佛讚妙吉祥菩薩言善哉善哉如汝妙吉祥所說是真說法何以故諸法離言離一切想無大法無小法斷諸分別非三昧心所觀所見未有一法若增若減如是說法是名解法卽名見佛是時釋迦牟尼佛說此法時會中有八千菩薩證無生法忍有二百天子先發大乘心不久而作是念佛法甚深難解難知不能窮盡而我等終不能解了深義行諸勝行趣證無上菩提不若於聲聞緣覺之果趣求涅槃定

無疑惑於是退轉大乘心爾時世尊知諸天子心所思念告諸天子言汝等勿起懈怠心退失大乘行當發阿耨多羅三藐三菩提心堅固無退爾時釋迦牟尼佛爲欲度諸天子故卽化一長者身手持滿鉢衆味飲食來入法會到佛所已以所持食奉上世尊然後頭面禮世尊足而作是言唯願世尊哀愍我故受我此食是時世尊隨長者意而受此食於是妙吉祥菩薩從座而起合掌恭敬前白佛言世尊佛所受食無有限量應徧法界而無所著無施者無受者悉皆平等如法受食爾時舍利子心生疑念施食長者從

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30 1 2 3 4

經

佛說舍利子法華經卷第三

七

法華經

何所來豈非妙吉祥菩薩所化而作佛事爾時世尊知舍利子心之疑念卽告舍利子言汝舍利子勿作是念若來若去佛自知時爾時世尊以所受食擲鉢置地其所擲鉢於下方世界各各佛刹現說法者一佛前鉢皆至彼諸佛弟子各發問言此鉢從何所來諸佛皆爲告言上方世界名曰娑婆有佛世尊號釋迦牟尼今現說法此鉢從彼而來爲欲教化諸菩薩故其鉢下過七十二殼伽河沙數佛刹有世界名光明佛號光明王如來應供正等正覺現在說法於彼佛前虛空中住爾時釋迦牟尼佛擲是鉢已卽告尊者舍利子言汝舍利子當以神力觀所擲鉢今在何處於何所住是時舍利子卽入十三摩地門於其定中以自智力及佛神通力於十千佛刹徧觀此鉢不見所住從定出已而白佛言世尊如我所觀經十千佛刹不見此鉢所住之處爾時世尊卽告尊者大目乾連言汝大目乾連當以神力觀所擲鉢何所而住是時尊者大目乾連承佛聖旨卽入八十三摩地門於其定中以自通力於下方世界經八千佛刹徧觀此鉢亦不見所住從定出已前白佛言世尊我以自通力於下方世界經八千佛刹不見此鉢所住

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

之處爾時世尊卽告尊者須菩提言汝當以神通力觀所擲鉢今在何處於何處住須菩提承佛聖旨卽入萬二十三摩地門於其定中經萬二千佛刹徧觀此鉢不見所住從定出已前白佛言世尊我以自通力經萬二千佛刹徧觀此鉢不見所住如是五百聲聞弟子各各以自神通及天眼力徧觀此鉢皆不能見爾時尊者須菩提前白慈氏菩薩摩訶薩言仁者受一生記當補佛處惟願今時入三摩地觀鉢所往示諸大衆慈氏菩薩告須菩提言尊者然我受一生記當得阿耨多羅三藐三菩提所有妙吉祥菩薩一

切三摩地門名字尚不能知何況證入唯妙吉祥菩薩悉能證之所作所行無不通達須菩提諸佛如來所作今我豈能知耶是故我今神通智慧未逮於妙吉祥菩薩而今世尊所擲之鉢唯妙吉祥可知所住降茲已往皆莫能知是時須菩提前白佛言世尊彼妙吉祥菩薩功德尊勝自捨如來無能過者應知世尊所擲之鉢惟願世尊勑妙吉祥菩薩以大神通取鉢赴會示諸大衆而作佛事於時世尊卽告妙吉祥菩薩言妙吉祥汝知此鉢當何所往復何所住於是妙吉祥菩薩承佛語已而作是念我今不起于座不

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 11 12 13 14 15 16 17 18 19 30

離佛會不隱其身當取此鉢示諸大衆作是念已卽入三摩地於其定中舒其右手於下方界過一一佛刹於一一佛前其手發聲作如是言我今敬禮諸佛我師釋迦牟尼佛問訊世尊少病少惱起居輕利安樂行不伸問訊已其手於一一毛孔放百千俱胝光明一一光明有百千蓮華一一華上各有如來坐於其上一一如來各各讚歎釋迦牟尼佛一一世界皆悉六種震動現大光明徧照佛土復現幢旛傘蓋種種嚴飾之具而作佛事如是一一佛刹悉皆如是度七十二殃伽沙數佛刹已到光明王佛所其手發聲致敬問訊亦復如是復放百千光明一一光中有百千蓮華一一華上皆有佛坐諸佛各各讚歎釋迦如來光明交照洞徹無量爾時光明王佛會中有菩薩名曰光幢從座而起前白光明王如來言此手何來現如是相放此光明復於光中現如是蓮華於其華上有諸如來各各讚歎釋迦牟尼佛是相云何願佛宣示爾時光明王如來告光幢菩薩言上方去此七十二殃伽沙數佛刹有世界名娑婆佛號釋迦牟尼應正等覺現在說法教化衆生彼有菩薩名妙吉祥具大功德被不思議精進鎧有大智力已到彼岸是

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

菩薩於彼釋迦牟尼佛會中不起於座舒其右手來取其鉢以是緣故有斯瑞應爾時光明王如來從於眉間放大光明普照七十二殃伽沙數佛刹上至娑婆世界廣大照曜而此世界所有衆生蒙光照者得大快樂如轉輪王所有修菩薩行者蒙光所照皆得其果自行圓滿所有諸大菩薩皆得日光三摩地門所有修聲聞行者皆得八解脫法門彼光明王佛刹諸菩薩乘如來光皆得見此娑婆世界釋迦牟尼佛并妙吉祥菩薩諸聲聞衆圍繞說法爾時光幢菩薩摩訶薩見此娑婆世界衆生業濁而生悲泣卽白光明王如來言世尊我乘佛光明得見彼娑婆世界而此世界穢惡充滿諸大菩薩生於彼處譬如吠瑠璃寶沒於泥中是事云何爾時光明王如來告光幢菩薩言善男子勿作是言我此世界諸修菩薩行者於十劫中修習禪定而不及彼娑婆世界衆生發起一念慈悲喜捨之心便能獲於無量功德滅除一切煩惱重障何以故娑婆世界衆生猛利是故諸菩薩生於彼中爲護佛法故汝今勿應而生悲泣爾時釋迦牟尼佛會中諸菩薩衆蒙光照已卽白佛言世尊何緣有此光明普能照曜亦令我等生大適悅諸衆生

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

經

佛說華嚴經卷第

二十一

等滅諸煩惱釋迦牟尼佛告諸菩薩言善男子下方
去此七十二殼伽沙佛刹有世界名曰光明有佛如
來名光明王應正等覺現在說法教化衆生彼佛眉
間放大光明照此世界是時諸菩薩復白佛言世尊
我今欲見彼光明世界光明王佛及諸菩薩願佛以
神通力令我得見爾時釋迦牟尼佛現其足下千輻
輪相於其輪中放大光明下照七十二殼伽沙數世
界至光明王佛刹廣大照曜是時諸菩薩衆乘佛光
明皆得見彼光明王佛及諸菩薩已而能獲妙高燈
三摩地法門於時下方一一佛刹光明普照與此娑
婆世界互得相見迥無障礙如是下方諸世界乃至
光明王佛刹諸菩薩衆與此娑婆世界諸菩薩互相
觀見各得瞻敬譬如日光去其闇暝一切衆生各得
相見亦復如是是時彼諸菩薩各各發起精進之心
趣求大果爾時妙吉祥菩薩舒手至光明王如來前
住虛空中當取鉢時有諸佛刹無數百千俱胝那由
他大菩薩衆恭敬圍繞隨鉢上至娑婆世界瑞相光
明皆悉漸隱妙吉祥菩薩置鉢於釋迦牟尼佛前虛
空中住於是出三摩地從座而起前詣佛所禮世尊
足而白佛言世尊我承佛旨於下方世界取所擲鉢

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

今在佛前置虛空中願佛納受於是世尊默然而受是時下方世界諸佛刹中菩薩之衆隨鉢至者咸詣釋迦牟尼佛前禮敬雙足各各稱彼佛名某佛如來正等正覺問訊世尊少病少惱起居輕利氣力安不教化衆生無疲勞耶如是伸敬已畢世尊安慰退坐一面爾時世尊告舍利子言汝今諦聽當爲汝說妙吉祥菩薩過去所行及本因緣時舍利子受教而聽佛言舍利子過去無數百千俱胝那由他劫彼時有佛號無能勝幢如來應供正等正覺出現於世彼佛世界名不可毀有八萬四千聲聞之衆萬二千菩薩衆從佛說三乘法教化衆生是佛亦出五濁惡世爲諸菩薩說六波羅蜜法舍利子彼時有苾芻名曰智王聰慧明達善說法要是苾芻食時著衣持鉢入一王城次第乞食其城名曰廣大得滿鉢衆味食已將出彼城是時城中有長者子名曰淨臂在母懷中見彼苾芻持鉢而過卽詣苾芻前欲鉢中飲食是時苾芻見是童子善根純熟是大法器卽取鉢中歡喜團而授與之童子得彼食已發歡喜心隨智王苾芻至無能勝幢如來之所時彼童子卽詣佛前禮世尊足智王苾芻將所乞食授其童子而告之言汝以此食

供養世尊及諸大衆當令汝得無量福聚是時童子如苾芻言卽捧其食添世尊鉢食猶未盡然後次第供諸大衆是會菩薩聲聞咸受其食悉皆飽滿食猶未盡佛告舍利子淨臂童子旣供養已心大歡喜於佛前說伽陀曰

我以無盡食 供佛及大衆 我今供養已
獲福聚無疑 所施食無盡 佛功德無盡
今供養於佛 必獲無盡福 我以無盡食
供養於世尊 增長諸善根 相續無窮盡
是以一鉢食於七日中供養如來及聲聞菩薩之

衆以佛威力故食猶不盡是時智王苾芻告彼童子言汝供養已當歸依佛歸依法歸依僧受佛戒法盡形受持是時童子受苾芻教歸佛法僧旣歸依已卽生隨喜發阿耨多羅三藐三菩提心是時淨臂父母求覓其子到無能勝幢如來會中到已禮世尊足住立一面淨臂童子見其父母心生歡喜問訊起居於父母前說伽陀曰

父母今善來 諸佛甚難值 我求大菩提
爲一切衆生 普觀佛相好 身放妙光明
諸有智慧者 應求菩提果 我今求出家

一
系

卷之二

三
五

卷之三

願父母聽許 不樂於富樂 以佛難值故
爾時父母卽爲其子說伽陀曰 遂無上菩提 我以汝因緣

我聽汝出家 趕無上菩提 我以汝因緣

趣無上菩提

我以汝因緣

亦當如是學

吉祥菩薩授我鉢故令我發大菩提心又舍利子從初發大菩提心乃至果滿十力無畏一切功德無盡智皆因妙吉祥菩薩起發開導何以故我所發心猶如虛空無有邊際又舍利子所有十方無量無數同名釋迦牟尼佛皆如我於妙吉祥所開發菩提心又舍利子過去底沙如來弗沙如來然燈如來尸棄如來如是諸佛我於無量劫中稱讚其名是諸如來亦同我於妙吉祥菩薩所發起道心得成正覺轉妙法輪又舍利子所有諸修菩薩行者初處兜率天示降生相出現世間初生王宮然後修諸苦行乃至

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

坐於道場皆因妙吉祥菩薩教化示導舍利子當知妙吉祥菩薩爲諸菩薩母出生一切諸菩薩故舍利子如我所說皆是真實如是往昔因緣應如是知佛說是語時十方一切佛刹悉現種種寶蓋而來供養妙吉祥菩薩於一一蓋中放大光明廣照娑婆世界復於蓋中出妙音聲作如是言如釋迦牟尼佛所說如是如是往昔從彼妙吉祥菩薩發菩提心爾時釋迦牟尼佛會中先退菩提心者二百天子見佛世尊及妙吉祥菩薩現如是種種不思議事及聞佛說本是因緣各作是念一切諸佛無上大法不可得聞何佛說未曾有正法經卷第一

音釋

全

蒲闕切
塵喻也

丹陽居士賀懸熙憇照懸熒燄燭懸烽仰承
先嚴賀學禮遺願施貲刻
佛說未曾有正法經一之二計一萬二百六十
字故銀五兩三錢四分
金陵釋仁朴對長洲徐普書上元王芝刻
萬曆癸丑歲春正月徑山化城識

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9

佛說未曾有正法經卷第三

癸丑歲春五日臨山分刻
林禮是騰翁普書

佛說未曾有正法經卷第三

宋西天三藏朝奉大夫試鴻臚卿傳教大師
法天奉詔譯

爾時世尊釋迦牟尼佛復告舍利子言汝今當發阿
耨多羅三藐三菩提心修諸菩薩行不應樂著聲聞
之果何以故舍利子一切衆生處輪迴中不生怖畏
無由解脫是故諸菩薩當起大精進於輪迴中種種
化度令怖生死出於三界汝若唯樂聲聞之果不能
起大菩提心救度一切衆生是故一切衆生若得值
遇菩薩勸令發起精進卽得解脫生死亦能發阿耨

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 11 12 13 14 15 16 17 18 19 30

多羅三藐三菩提心舍利子過去世時有佛出世號具足功德如來應供正等正覺明行足善逝世間解無上士調御丈夫天人師佛世尊是佛會中有百俱胝聲聞之衆有八千菩薩衆其佛壽十萬歲有二聲聞最爲上首一名出現智慧第一二名迅疾神通第一是時具諸功德如來於其食時著不持鉢與諸大衆前後圍繞入一王城其城名曰妙音次第乞食佛入城時智慧聲聞居佛右側神通聲聞在佛左側餘聲聞衆俱從佛後諸菩薩衆而導其前復有大梵天王帝釋天王護世四王及諸天衆圍繞世尊入彼王

城是時城中有三童子種種莊嚴於其道側而共戲劇是三童子遙見世尊相好端嚴威德無量光明晃曜猶如金山儀容尊重如大龍王見已歡喜心生恭敬第一童子曰汝等見此佛世尊不於諸衆生最尊最上福聚無盡天上人間咸悉尊敬是故我等宜共供養必獲大果共相議已第一童子說伽陀曰

此佛一切衆中尊
天上人間所應供

我等宜伸供養事
獲大果報而不虛

餘二童子說伽陀曰

我伸供養無香華
亦無種種妙供具

但唯有此全身命　當捨供養佛世尊
是時前一童子卽脫所著殊妙真珠瓔珞價直百千
兩金向二童子說伽陀曰

我今當以此瓔珞 供佛如來大智尊
願我伸其供養已 當獲無上大福聚
是時餘二童子見此童子獻供養已亦各脫身所著
瓔珞向一童子說伽陀曰

我以瓔珞伸供養 一切最勝正覺尊
發此誠心供養已 誓願求於佛正法

所作福利無量當於佛法求何等果第二童子曰我願當來得爲世尊右邊弟子而得智慧第一第三童子曰我願當來得佛左邊弟子而得神通第一二童子各說所願已復問第一童子曰汝善開導爲我善友汝獻供養何所求耶答曰我所願者願當得阿耨多羅三藐三菩提果具一切智放光煥曜使一切衆見者歡喜發菩提心如師子王大衆圍繞如佛今日等無有異佛告舍利子彼三童子如是各各發誓願時於虛空中有八千天子俱發聲言善哉善哉汝等善說此語所希勝果決定無疑是三童子各持瓔珞

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

前詣佛所爾時佛告舍利子具諸功德如來見三童子持諸瓔珞來詣佛所卽告海慧苾芻言苾芻汝見此三童子不海慧白佛言世尊唯然已見佛言苾芻第一童子心所希求與二童子不同舉足下足自在特尊如轉輪聖王假使百千梵王帝釋亦不能及今來佛所開發道心願欲趣證無上菩提故是三童子到佛所已各各頭面禮世尊足各以瓔珞奉上世尊佛旣受已其發聲聞心者所獻瓔珞住於佛前其發菩提心者所獻瓔珞在於佛上虛空中住變成四柱寶臺四面嚴飾其上有無量諸佛結跏趺坐現諸相好種種莊嚴殊勝無量是時具諸功德如來卽入三昧普觀諸佛如來變化之相從其面門出種種色光所謂青黃赤白紅紫碧綠光明普照無邊世界上至梵天曠蔽日月光明皆悉不現其光照已右繞三市還復世尊頂門而入是時海慧苾芻前白佛言世尊有何因緣放斯光明惟願世尊示我令知佛告苾芻言汝見此二童子所獻瓔珞於佛前住不苾芻白佛言唯然已見佛言苾芻此二童子爲求聲聞果故樂欲趣證自利涅槃不能發起大菩提心苾芻汝見前一童子所獻瓔珞在於佛上於虛空中作諸變化此

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

人爲欲趣證無上菩提利益一切衆生故彼二童子但樂智慧神通不能普爲利樂是故所獻供養亦無殊勝之相當知發大菩提心者所作福事亦不可量汝今宜應捨聲聞心當求阿耨多羅三藐三菩提佛告舍利子彼時發大乘心童子豈異人乎卽我身是樂智慧者卽汝身是樂神通者卽目乾連是汝等聲聞雖免輪迴唯樂趣於涅槃終不能廣利衆生心等諸佛同若虛空無窮無盡福聚無量功德無量超過聲聞緣覺境界舍利子汝等速發阿耨多羅三藐三菩提心是時舍利子大目乾連大迦葉阿泥盧駄優波離富樓那須菩提等諸大聲聞異口同音作如是言善哉世尊善能開導令我等發起大菩提心世尊當知善男子善女人種諸善根欲求解脫者應發廣大心及廣大行願是人當得見百千諸佛聽聞正法世尊我等自昔已來智慧狹劣不敢希求佛無邊智而今深自剋責當發大心譬如有人造諸不善業已若不悔過改惡從善無由免諸苦惱我等聲聞唯求自利若不捨下劣心求佛智慧終不能免無餘涅槃又如臨命終人心識昏亂於親愛眷屬不能顧戀我等若求自利涅槃於諸衆生無心化度亦復如是世

百二十
卷三
二
東京大学総合図書館所蔵

波離富樓那須菩提等諸大聲聞異口同音作如是言善哉世尊善能開導令我等發起大菩提心世尊當知善男子善女人種諸善根欲求解脫者應發廣大心及廣大行願是人當得見百千諸佛聽聞正法世尊我等自昔已來智慧狹劣不敢希求佛無邊智而今深自剋責當發大心譬如有人造諸不善業已若不悔過改惡從善無由免諸苦惱我等聲聞唯求自利若不捨下劣心求佛智慧終不能免無餘涅槃又如臨命終人心識昏亂於親愛眷屬不能顧戀我等若求自利涅槃於諸衆生無心化度亦復如是世

6 7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

尊當知阿耨多羅三藐三菩提猶如大地世間一切衆生依地而住依地而生一切善根依阿耨多羅三藐三菩提而得生長亦應如是爾時會中有一萬人聞佛說本事因緣及聞舍利子說是語已皆發阿耨多羅三藐三菩提心爾時摩伽陀國王嚴整其駕來詣佛所到佛會已頭面禮足繞佛三匝坐於一面是時彼王向佛合掌一心恭敬而白佛言世尊一切衆生因何造業造業因緣依何而住佛言大王一切衆生壽者乃至補特迦羅皆依我身見住顛倒分別由分別故起惑造業以造業故不得解脫王復問言世

尊我身見者何爲根本佛言無明爲根本又問即此無明孰爲根本佛答曰不如理作意是爲根本又問不如理作意復何爲本佛答曰不平等心是爲根本又問何謂不平等心佛言無始時來不如實知名爲不平等心又問云何名爲不如實知佛言一切衆生無始時來於無計有是爲不如實知又問云何於無計有佛言分別之法不生不實計而爲有又問若法不生今何所說佛言大王我身尚空法無所說又問世尊身若空者何作何住佛言大王雖有所作亦無所著又問卽此無著當云何說佛言無著法者如實

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

而說是聖所說又問云何名爲如實之說復何名爲
是聖所說佛言大王於一切法離塵離見是真實語
名如實說如實說者是聖所說聖所說者謂善了諸
法本無所生當如是住當如是學是時摩伽陀國王
聞佛說法心生歡喜而白佛言希有世尊善說此法
實未曾有如佛世尊以無漏智普爲利樂一切衆生
故說真實法一切衆生罪業所纏而不能聽受修行
我亦如是世尊應念我自昔來不遇善友以不善心
我亦廣作諸不善業是故不能親近世尊聽聞正法
我於深宮但樂嬉戲飲食宴樂而於晝夜無暫歇捨
故我不能詣佛聽聞正法世尊我今悔過自責昔所
作惡深自追想於晝夜中未暇安樂如負罪人常生
驚怖世尊大慈爲衆生父無依怙者爲作依怙無眼
目者爲作引導諸苦惱者爲作安樂諸失道者爲示
正道諸貧匱者爲施珍寶其心平等而無解倦普能
利樂無怨親想世尊惟願哀愍救度於我我念先所
造罪實懷怖懼猶如臨墮坑人唯望救拔我恐墮於
惡道之中願佛教護滅其罪垢解寤正法
爾時世尊知摩伽陀國王悔昔造惡深生發露愛樂
大乘甚深之法而自思念妙吉祥菩薩智慧辯才能

爲敷演是時尊者舍利子承佛威力知佛心念卽告摩伽陀國王言大王當知妙吉祥菩薩辯才無量智慧無量善說法要必能爲王宣說正法令王開解獲大安樂宜伸求請於王宮中飯食供養利益無量復令王舍城中一切人民瞻禮讚歎見聞隨喜種諸善根獲殊勝福是時摩伽陀國王如尊者語卽前白妙吉祥菩薩言菩薩大慈哀愍我故就於宮中飯食供養惟願今時哀受我請是時妙吉祥菩薩告王言我受王請當如王願王發勝心我已受供樂欲聽法我當宣說大王當於一切法無所著爲王說法於一

切法無疑惑想爲王說法於一切法不著三世相爲
王說法於一切法不以聲聞緣覺涅槃爲寂滅相爲
王說法王白妙吉祥菩薩言善哉希有惟願菩薩哀
愍我故與諸大衆同受供養妙吉祥菩薩言大王且
置是語如王以飲食衣服供諸大衆爲哀愍故而爲
供養斯亦不爲利不爲福夫供養者於法起希有心
無作無我無衆生無壽命無補特伽羅等想不著自
相不著他相是爲供養當觀諸法無取無蘊處界無
無狀捨非世間非出世間非有漏非無漏非有爲非
內無外不在三界非離三界亦無善亦無惡無樂欲

無爲非有煩惱非離煩惱非輪迴非寂滅若如是者
是爲供養王復白妙吉祥菩薩言菩薩哀愍利樂我
故願受供養妙吉祥菩薩言大王當不求利樂無所
哀愍是心無所著無動無轉無讚無毀無取無捨無
求利樂無所哀愍故法法平等而無所得是名受供
大王若如此者是真利樂王白妙吉祥言法本無相
而無動作我獻供養亦應如是妙吉祥言空性無相
亦無動作求法者無想無願無行無作亦非無作何
以故大王諸法自性本無所動亦無有作衆生自性
本空三業無所動作大王當觀一切行皆悉無作了

一切法自性空故王言諸行造作云何名無妙吉祥言大王如過去法已滅未來法未至現在無所生諸行有爲亦復如是所以不著三世皆無常故法無增亦無減大王當於諸行如是了知王言聖道煩惱二法平等不妙吉祥言此二平等亦無增減大王日光出時與暝合乎王言不也日光出時衆暝皆遣妙吉祥言日光出時而彼衆暝當歸何處王言而彼闇暝亦無所往妙吉祥言煩惱聖道亦復如是此二不相待亦不增不減非住非不住大王煩惱平等聖道亦平等此二平等故諸法皆平等大王當知煩惱性空

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30

經

伊詣美華不正法經卷第三

九

亦無所住以煩惱故而得聖道得聖道故無復煩惱
 是故此二不增不減亦無差別王言煩惱聖道從何
 所生妙吉祥言從心所生心若不生煩惱無復生煩
 惱不生聖道無復生是故當知煩惱如是觀聖道亦
 如是觀如是觀已則心無所得王言聖道之法歸於
 涅槃乎妙吉祥言不也諸法無來去涅槃亦如是王
 言聖道當云何住妙吉祥言聖道如是住王言聖道
 得非戒定慧之所住耶妙吉祥言諸法無行無相離
 諸戲論若戒定慧者是卽戲論有行有相不應如是
 住如是住者非住非不住聖道亦如是王言所有善

男子善女人修菩提行者得聖道乎菩薩言修菩提
 者無有少法可得菩提道者非苦非樂非我非無我
 非常非無常非淨非穢無輪迴可厭亦非涅槃可證
 是故一切法皆不可得聖道之法亦不可得王復白
 妙吉祥菩薩言善哉大士甚爲希有善說法要我悉
 信解然成誠心敬辦供養當以飲食供諸大衆菩薩
 今時赴我所請妙吉祥言食無所作施無所受施者
 受者無二無別王已誠心當受王供爾時世尊告妙
 吉祥菩薩言今正是時受王所請當爲多人作大利
 益妙吉祥菩薩前白佛言我今承佛聖旨已受王請

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

當與大衆同受供養爾時摩伽陀國王知妙吉祥菩薩受其請已心生歡喜得大安隱禮敬世尊及妙吉祥菩薩并諸大衆然後詣尊者舍利子所問尊者言妙吉祥菩薩將受我供同來菩薩其數幾何舍利子言當與五百大菩薩衆同赴王會是時摩伽陀國王先還宮中嚴飾廣殿令諸給使者皆精潔其心備辦種種上味飲食羅列幢旛珍妙寶蓋散諸妙華焚種種香真珠瓔珞盡其華麗敷設五百座位復於王城令嚴治道路散華燒香無諸塵穢清肅其道是時城中人民聞妙吉祥菩薩赴王宮中受王供養皆生歡喜

喜一心渴仰各以香華伺其道側爾時妙吉祥菩薩於初夜分作是思惟我於來晨赴於王請同我往者菩薩衆少今當住諸佛刹請諸大菩薩衆共赴王宮莊嚴勝會我若爲王說法彼諸菩薩能作證明作是念已卽於本處隱身不現經須臾間東方過八萬佛刹到一世界名曰常聲佛號吉祥聲如來應供正等正覺現在說法爲諸菩薩說大乘法彼諸菩薩皆是不退轉地其佛刹中有七寶樹出種種華果其樹枝葉常出微妙音聲所謂讚佛聲讚法聲讚不退轉地菩薩之聲常出如是三寶之聲是名常聲世界妙吉

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

祥菩薩既到彼已詣吉祥聲如來前頭面禮足而白
佛言我自娑婆世界故來至此爲受摩伽陀國王請
於宮中飯食供養爲菩薩衆少故來請諸大菩薩上
士來晨與我同赴王宮受其供養令彼一切衆生咸
受其福惟願世尊勅諸菩薩令受我請

爾時吉祥聲如來卽告八萬大菩薩言善男子今妙
吉祥菩薩來請汝等往彼娑婆世界赴摩伽陀國王
宮中飲食供養汝今當往同爲佛事是時諸菩薩如
世尊敕卽當奉行於是妙吉祥菩薩禮辯吉祥聲如
來與八萬大菩薩隱身不現卽還娑婆世界到本住
處是時妙吉祥菩薩與諸菩薩共相坐已卽告諸菩
薩言我有法門名大總持今爲諸大士分別演說云
何名總持法門所謂樂欲趣證總持法門者當住正
念心不散亂離諸癡恚於一切法智慧通達行如來
道得辯才門住於無相入一切法總持智門相續聖
道而能任持三寶有所言論無有滯礙善解一切衆
生語言若有論難而爲分別於大衆中心無怖畏所
有一切天龍夜叉乾闥婆阿修羅迦樓羅緊那羅摩
曇羅伽人非人乃至帝釋梵王下至傍生異類之屬
種種言音差別而能隨彼種種言音而爲說法善知

6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

衆生根性利鈍隨類得解諸根清淨離諸邪見平等
安住總持法門不著世間八種違順之法圓滿一切
出世善法爲諸衆生說其行業因緣果報令其得大
安樂於一切處智慧通達能令衆生去除重擔心無
憂惱知法自性隨根演說應病之法令起精進獲諸
善利菩薩心生歡喜不望果報所有善根但爲迴向
一切智故求一切智普爲利樂一切衆生於六度行
悉能成就施行圓滿迴向一切智戒行圓滿迴向衆
生令其安樂忍行圓滿得佛相好莊嚴具足精進圓
滿成熟一切善根禪定圓滿得相應法自在無礙智

慧圓滿通達一切法於法自在離諸過失諸善男子
如是總持法門得此法門已無所忘失總能任持一
切智故復次善男子總持法門復能受持一切法所
謂了一切法空無相無願無動無作離其分別不生
不滅非斷非常非有非無不來不去非成非壞非聚
非散非有性非無性非有想非無想離其戲論非我
人衆生壽者補特伽羅無取無捨非見非聞非覺非
知是名受持一切法復次善男子又總持法門謂持
一切法自性空故如夢所見如水泡如陽焰如虛空
等又能持一切法苦空無常無我寂滅等自性無作

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

佛說法華經卷第三

三

深

無樂無苦無得無證又總持法門譬如大地能持世間無大無小悉能持之亦不懈倦菩薩摩訶薩得總持法門亦復如是爲衆生故發菩提心攝諸善根不令散失雖經阿僧祇劫無暫懈退又如大地能育養萬物得總持菩薩能化利一切衆生故又如大地能生草木滋養衆生其得總持菩薩能生一切善法利益衆生又如大地不增不減任持萬物無高無下其得總持菩薩心亦如是不增不減任持衆生無怨親想又如大地受其甘雨終無畎足其得總持菩薩愛樂聽受佛菩薩法曾無畎足又如大地能持一切種子依時生長終無休息其得總持菩薩能持一切善法種子依時生長亦無休息又如世間勇猛之士威力強盛能伏他軍其得總持菩薩具大精進神通威德能伏魔軍又善男子當知一切法自性無忘無所記念是常無常是苦是樂是淨不淨是我無我是有情非有情是壽命非壽命是補特伽羅非補特伽羅等總持法門亦復如是亦無記念諸法離二相故亦無所忘又善男子總持法門如虛空任持大地無所持想總持一切法無所持相又如日光照曜一切相總持能觀照一切法又如衆生能持一切煩惱種終

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

經

佛說未曾有正法經卷第三

廿四

深七

無散失總持法門能持一切法亦不散失又如諸佛菩薩記心輪能轉一切衆生心意而無能轉相總持法門持一切法亦無能持相諸善男子如前所說種種譬喻無有窮盡諸法無窮盡總持法門亦無窮盡無量無邊如虛空故是時妙吉祥菩薩說此法時會中有五百菩薩摩訶薩得大總持

佛說未曾有正法經卷第三

音釋

匱求位切

佛說未曾有正法經卷第四

宋西天三藏朝奉大夫試鴻臚卿傳教大師
法天奉詔譯

爾時妙吉祥菩薩於中夜分復爲諸菩薩宣說菩薩藏法門告諸菩薩曰諸大士當須了知菩薩藏法門未有一法非菩薩藏攝所有世間出世間法有爲無爲若善不善有相無相有漏無漏等法皆是菩薩藏故善男子譬如三千大千世界其中有百億四大洲百億日月百億須彌山百億大海皆不離三千大千世界所攝菩薩藏法亦復如是所有凡夫法聲聞法

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 11 12 13 14 15 16 17 18 19 30

緣覺法乃至諸佛法亦不離菩薩藏攝所以者何聲聞乘緣覺乘諸佛乘皆同一故譬如大樹莖幹枝葉繁密茂盛皆一本故菩薩藏爲本出生三乘法無異無別其量廣大不可度量譬如大海浩無邊際假使阿脩羅王諸藥叉等乃至諸大力士欲酌其海終不可知諸聲聞緣覺一切人天等衆欲知菩薩藏法不可窮盡諸有智者欲知菩薩戒定慧法尚不能知唯入菩薩藏者自所知故又善男子譬如大海所居一切衆生唯飲大海中水不復知江河之味修菩薩乘者唯知菩薩藏法不復樂聲聞緣覺之道善男子菩薩藏中强名曰三謂聲聞緣覺異故但聞四諦理趣證涅槃是名聲聞藏但樂緣生理趣證涅槃是名緣覺藏菩薩藏者證佛一切智故又善男子當知聲聞藏緣覺藏菩薩藏平等無異衆生心所樂欲有三乘學所以學求聲聞者智慧狹劣無所容受怖輪迴苦於四諦法深所樂欲趣證涅槃求安隱故樂求緣覺者心有限礙不能普爲衆生無大悲心行利他行證彼涅槃以爲究竟菩薩摩訶薩學菩薩藏其量廣大非聲聞緣覺之所測度唯諸菩薩修學其法悉能了知又善男子聲聞緣覺唯樂自乘修諸善根求二乘

6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

經

佛說大乘圓滿經卷第十四

十一

深七

果於菩薩法而不能知諸菩薩觀聲聞法於四諦道
悉能證知善能分別而不趣證彼果觀緣覺法於十
二因緣而悉證知善能分別而不趣證彼果菩薩圓
滿諸行而盡通達譬如清淨瑠璃寶器內置諸物咸
同一色瑩淨無異聲聞緣覺之法入菩薩藏中本無
差異是故諸菩薩摩訶薩入菩薩藏已見法平等無
有差別無諸佛法相無菩薩法相無二乘法相於一
切法無所思念離諸語言文字無表無示何以故無
相故不可觀無義故不可思如是學者攝一切智善
男子是名菩薩藏如是通達自在無礙爾時妙吉祥
菩薩於後夜分復爲諸菩薩摩訶薩宣說金剛句不
退轉法輪告諸菩薩曰善男子若菩薩摩訶薩善說
法者聽聞解了說者聽者一切皆得不退轉法其無
動轉無所散壞善男子不退轉法若乘若乘境界若
佛若法若僧皆是不退轉輪何以故不退轉者卽法
界故不離法界之所生故其輪無轉相是名轉法輪
無別無二卽法界自性故善男子是故修諸菩薩行
者應如是知卽得解脫不退轉輪菩薩摩訶薩如是
了知如是解脫已當得如來之果普能利樂一切衆
生於解脫門無二法可得如來解脫相一切法解脫

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

相皆無異故一切法無解脫相亦無二相何以故身
非解脫心亦非解脫二法自性卽解脫相故一切法
亦復如是諸菩薩如是了知是卽不退轉輪善男子
當知不退轉輪而無所轉何以故色與色自性本無
所轉故如是受想行識識自性亦無所轉諸法自性
皆無所轉是卽不退轉輪其輪本來無所斷壞非相
非無相非有所得非無所得非說非無說無名無著
復次空無相無願解脫門相不可得分別之法從何
所得彼一切相猶如虛空無所依附諸法自性無依
而住是名金剛句不退轉輪善男子諸法空性不可
破壞彼金剛句離一切見當如是住空解脫門彼金
剛句離諸分別當如是住無相解脫門彼金剛句離
諸疑惑當如是住無願解脫門彼金剛句離諸有著
當如是住法界金剛句者離種種法無我無作無貪
無著自性安住清淨涅槃是名金剛句爾時妙吉祥
菩薩卽於是夜初中後分爲諸菩薩說種種法已
是諸菩薩皆得此光明華三摩地法門彼諸菩薩各各
舉身於毛孔中出百千光明一一光中出百千諸佛
彼一一佛於十方世界廣爲衆生施作佛事爾時摩
伽陀國王嚴備種種飲食已於其晨朝來詣妙吉祥

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

菩薩所白菩薩言今正是時往受我供菩薩受請王
卽還宮是時尊者大迦葉乃於食時著衣持鉢與五
百苾芻欲入王舍大城次第乞食於其中路心生思
念我今不入此城當往妙吉祥菩薩所聽受正法作
是念已卽與苾芻衆同詣妙吉祥菩薩所到已歡喜
禮敬問訊退住一面

爾時妙吉祥菩薩告尊者大迦葉言迦葉何故食時
持鉢住此迦葉白言如是大士世間有情若離般食非
所和合不能資養色身何能聽受妙法妙吉祥菩薩
言尊者當受飲食我卽施汝其所施已不離輪迴不
證涅槃非離異生法非住聖道法何以故所施能施
無增無減無法可生無法可滅無法可學亦無所得
是故我當施汝飲食迦葉白妙吉祥菩薩言善哉菩
薩是大施主如是施者是真布施爾時妙吉祥菩薩
作如是念我今入王舍大城爲摩伽陀國王作大佛
事作是念已卽時入一切神通變化三摩地於此三

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 10 11 12 13 14 15 16 17 18 19 20

摩地中放大光明徧照娑婆世界見三千大千世界
 如觀掌內所有地獄傍生諸有情類蒙光暞者皆得
 締苦無一衆生起三毒心亦無憎嫉怨嫌之想互相
 愛念如子如母所有三千大千世界皆作六種震動
 是時欲色界諸天子等皆來供養妙吉祥菩薩奏百
 千種樂雨天妙華散其道路而爲莊嚴妙吉祥菩薩
 以神通力令其道路悉皆平坦猶如手掌以無數珍
 寶而嚴飾之散諸妙華大如車輪謂優鉢羅華俱母
 陀華奔擎利迦華等復以寶網幔覆於上布諸幢旛
 傘蓋徧滿虛空復現七寶之臺及諸寶樹其寶樹上
 皆吠瑠璃寶而爲華果以諸寶繩而爲交絡一一寶
 樹出微妙香徧一由旬其諸樹間復有寶池金沙布
 底八功德水充滿其中出諸妙華謂優鉢羅華鉢訥
 摩華俱母那華奔擎利迦華等復有鴛鴦鳬鴈之屬
 游止其中諸寶樹寶臺皆有妙香聞者歡喜一一樹
 下有二十五天女持栴檀香而爲供養妙吉祥菩薩
 於其定中現如是等奇特事已出三摩地卽告尊者
 大迦葉言我今與汝同赴王舍大城摩伽陀王宮中
 受食供養者年大德宜當尊前我必從後迦葉白言
 不也菩薩大士具大智慧神通無量多聞辯才善說

諸法我佛世尊常所稱歎衆生見者發菩提心修菩薩行我於聲聞衆中雖稱耆舊無所堪能何敢居前而行願從菩薩之後何以故一切衆生始發菩提心一切聲聞緣覺已所不及何況久行菩薩道者譬如師子之子初生卽有大力勇健輕捷無所畏懼其身香氣爲風所吹群獸聞者無不驚怖乃至大象雖有大力一切世間不能制伏聞初生師子之香亦生驚怖衆生若發菩提心勇猛堅固一切魔衆生怖畏想其心不動生大歡喜而能作師子吼降伏一切是故聲聞緣覺所不能及諸菩薩摩訶薩聞佛說大乘法

妙吉祥菩薩於真法中無有三乘但以菩提心而爲尊長一切善法從菩提心生故今菩薩前行猶菩提心生無量善法於是妙吉祥菩薩居前而行諸大菩薩左右圍繞聲聞之衆皆從其後離本住處入王舍城是時天雨衆華於虛空中奏百千天樂放大光明普照大衆於光明中而衆蓮華王舍城中一切人民見菩薩已皆生歡喜持諸香華而伸供養爾時摩伽陀國王聞妙吉祥菩薩與八萬大菩薩衆及五百聲薩等衆其數倍多今此少食如何充足又於何處可聞而來赴會卽作是念我所備辦飲食五百今此菩薩等衆其數倍多今此少食如何充足又於何處可

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

經

佛說未曾有法華經第四

容其坐作是念時妙吉祥菩薩卽敕多聞天王及恭
毗羅大夜叉主於剎那頃化童子形詣於王前而白
王曰大王勿生憂念妙吉祥菩薩有大方便福德智
慧不可思議能以一食普供三千大千世界一切衆
生悉皆飽滿食猶不盡今此八萬菩薩五百聲聞其
數不多何所慮耶何以故妙吉祥菩薩福德智慧本
無盡故食亦無盡是時摩伽陀國王聞是語已心大
歡喜適悅快樂卽於妙吉祥菩薩起恭敬尊重希有
之心與諸宮屬持以香華末香塗香等作諸娛樂出
迎菩薩見已拜跪問訊散其香華前引菩薩入於王

宮是時妙吉祥菩薩至王宮已卽告普照菩薩曰善
男子汝當莊嚴道場今正是時普照菩薩受其命已
以神通力其王宮殿忽然廣博嚴淨種種莊嚴無所
妨礙懸諸華蓋幢旛瓔珞嚴飾第一成大道場復告
法上菩薩曰善男子汝可爲吾敷置上妙之座安諸
大衆於是法上菩薩作彈指相而爲召集於剎那間
有八萬三千妙好之座出現道場種種珍寶而爲莊
嚴其座周徧於道場中亦無迫迮爾時妙吉祥菩薩
卽就於座命諸菩薩聲聞之衆各就其座於時摩伽
陀國王卽前白妙吉祥菩薩言惟願菩薩大衆哀愍

經

佛說未曾有法華經第四

二十一

深七

我故從容小待飲食將至爾時四大天王與諸眷屬來詣道場禮敬供養妙吉祥菩薩及諸大衆復有帝釋天王與諸眷屬及彼阿脩羅眷屬等各各持栴檀末香來詣道場供養大衆復有娑婆界主大梵天王變童子相與諸梵衆左右侍者各持寶拂來詣道場禮敬妙吉祥菩薩已住立其側諸來梵衆亦持寶拂於諸菩薩及聲聞衆右側而住復有無熱惱龍王來詣道場住虛空中不現其身垂諸瓔珞於瓔珞中出八功德水一切大衆用而無盡爾時摩伽陀國王即作是念此諸菩薩皆無鉢器當用何食妙吉祥菩薩

知王所念而告王言勿作是念此諸菩薩不持其鉢若須鉢時隨其佛刹所有應器自然而至王大歡喜卽白妙吉祥菩薩言此諸菩薩居何佛土從何所來願聞諸菩薩所來國土及佛名字妙吉祥答言大王當知東方有國其名常聲佛號吉祥聲如來應供正等正覺現在說法此諸菩薩從彼而來受王供養亦令大王得見希有之事應時常聲世界遣八萬三千寶鉢以彼佛威神力故及諸菩薩行願力其鉢從空來此娑婆世界至無熱惱池卽時有八萬三千龍女以八功德水淨其鉢已各各持至諸菩薩前是時摩

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

伽陀國王見是事已歡不可思議未曾有也心大歡喜是時妙吉祥菩薩卽告王言今諸菩薩應器已至王當分布飲食普供大衆時王卽以所辦種種飲食奉上菩薩及諸大衆是時道場大衆咸悉滿足無有一人乏少之者觀其飲食猶尚不盡王白妙吉祥菩薩言希有大士我以少食普供大衆食猶不盡菩薩告言大王真實之法而無窮盡食所從生亦無窮盡是時諸菩薩大衆飯食已竟擲鉢向空而住無所動搖王白菩薩言此鉢於何而住菩薩告言大王真實之法有所住不王曰真實之法應無所住菩薩曰大

王當知真法無所住此鉢亦無所住鉢若無所住諸法亦如是大王當知法性空故應如是住爾時摩訥陀王供養妙吉祥菩薩及諸大衆已住菩薩前生渴仰心欲聽其法卽白妙吉祥菩薩言菩薩大慈可能爲我說希有法菩薩告言大王希有法者假使宛伽沙數諸佛如來應正等覺經百千劫說不能盡彼王聞已心生驚懼迷悶不樂是時尊者大迦葉謂其王曰汝勿謂宛伽沙數諸佛不能宣說希有之法妙吉祥菩薩亦不能說耶但以諸佛之法無所窮盡非言說之所能及汝但當隨所樂欲問於妙吉祥菩薩而

6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

此大士無量善巧方便之力必能爲王說希有法聞
是語已心遂醒寤卽白尊者言我適聞菩薩所說心
生疑惑承尊者言微當醒寤卽前白妙吉祥菩薩言
菩薩如何死伽沙數諸佛亦不能宣說希有之法我
聞是語心無所措惟願菩薩決我疑惑妙吉祥菩薩
告言大王死伽沙數諸佛非不能說希有之法法無
所說是希有法大王當於一切法但心無所住其法
不可說諸佛如來亦不可說大王於諸佛世尊有所
見相耶王言不也又問心生可見耶心滅可見耶答
曰不也又問有爲法無爲法真實法虛妄法皆可見

不王言皆不可見菩薩言於一切法有所觀相於一
切法有所說耶王言不也妙吉祥言大王由是義故
我作是言希有之法死伽沙數諸佛不能宣說復次
大王虛空無相亦無動轉煙雲塵霧所不能著虛空
本性清淨無法可染無法可淨諸佛如來了一切法
與虛空等以是義故死伽沙數諸佛說不能盡復次
大王諸佛如來於無住相中凝然不動用而常寂何
以故法無可遷離處非處故法不可得離諸取相故
大王當知諸法非生亦非無生非大非小非真實非
不真實非有想非無想無所作非無作無智無愚無

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

取相非不取相非集非散無來無去非顛倒非離顛
倒非卽煩惱非離煩惱非自然生非由他生大王諸
法如虛空無動轉故諸法無比等離伴侶故諸法無
二相無差別故諸法無有邊不可見故諸法無有量
非大小故諸法無窮盡常所轉故諸法廣大徧法界
故諸法無所住非內外中間故諸法無分別離妄想
故諸法是常無遷變故諸法是樂無苦惱故諸法有
主宰離妄執故諸法是清淨非垢染故諸法寂靜常
湛然故諸法無所得離我相故諸法無可樂解脫相
故諸法無此彼離我取故諸法無破壞離種種相故

諸法一味同解脫性故諸法一相離諸異想故諸法
皆空離諸見故諸法無相相清淨故諸法無願離三
世故諸法非三世所攝過去現在未來不可得故生
死涅槃本平等諸法皆平等大王諸法旣如是煩惱
疑惑可得生不王言不也諸法皆空煩惱疑惑其何
有也妙吉祥菩薩言煩惱無生法亦無說煩惱性空
諸法平等生死涅槃本平等煩惱菩提亦平等

佛說未曾有正法經卷第四

音釋

追達

追博陌切達側革據其據切

據

驚據也

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 31

丹陽居士賀懋熙懋照懋笑懋畫懋輝仰承
 先嚴賀學禮遺願施貲刻此
 佛說未曾有正法經三之四計九千九百六十
 學該銀五兩乙錢八分
 西蜀譯如重對長洲徐普書上元周子孝刻
 綱領癸丑歲春正月徑山化誠識

世祐

佛說未曾有正法經卷第五

宋西天三藏朝奉大夫試鴻臚卿傳教大師
 法天奉詔譯

復次大王希有之法甚深難解卽一切法寂滅之相
 非取非捨非聚非散從因緣生無有主宰以緣生故
 非自非他諸法無自性自性空故卽無所得由無所
 得故一切法寂靜寂靜相者是真實相大王當起正
 信心應如是修學如是觀察如是學者離一切相非
 有所學非無所學無得無失如是了知是正解脫解
 脫相者卽諸法也諸法性空是真實義卽無所著無

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

所限礙是名最上希有之法復次大王當知眼根非染非淨何以故眼根自性本真實故耳鼻舌身意根亦非染非淨而彼自性本真實故大王色非染非淨受想行識亦非染非淨何以故蘊之自性本真實故乃至一切法亦復如是非染非淨自性真實故大王當知心無形相非眼所觀心無所住內外中間俱不可得何以故心之自性非染非淨無所增減無所動轉是故大王當如實觀勿生疑惑住真實法此心真實故諸法亦如是大王譬如虛空離諸色相亦無動轉若有人言我能以彼煙雲塵霧染於虛空斯爲信不王言不也虛空無相非所染故菩薩自心亦如是本來清淨不受諸垢乃至一切法自性無染亦復如是復次大王一切法與法界非即非離本性平等無有差別若了是者卽於諸法無所罣礙亦無增減妙吉祥菩薩說是法時摩伽陀王悟法性空生大歡喜卽時獲得無生法忍發希有心合掌恭敬白妙吉祥菩薩言菩薩大慈善巧方便如所說法甚爲希有微妙深遠昔所未聞我於今日斷諸疑惑心得開曉妙吉祥菩薩曰大王莫作是言疑惑得除作是言者未斷諸相有相於心是大疑惑大王當知諸法寂滅無

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

說無示無聞無得豈有疑惑而可除耶王言菩薩若如是者貪瞋癡等一切煩惱應不礙心耶菩薩曰大王我先所說虛空本淨非所染故其義如是大王心本清淨煩惱性空二俱無得何所礙耶是故不應以罪垢相而生於心大王當知過去心不可得未來心不可得現在心不可得乃至一切法亦復如是於三世中無來無去無住無著無所入無所歸離諸妄想非知見所及離知見法者佛所說也是故智者應如是觀如是解了是時大王白妙吉祥菩薩言如菩薩所說我今解了心之自性諸法自性本來清淨非障所染亦非有相可得是故我今於菩薩前得不壞信菩薩言大王若如是者是卽解脫離諸過失爾時摩伽陀王聞妙吉祥菩薩宣說妙法心大歡喜卽從座起持上妙細氈價直百千詣妙吉祥菩薩所而奉上之欲以其氈被菩薩身是時菩薩於剎那間隱身不現但聞空中聲曰大王有所見相非我所受如我受者不見自身不見他身無能施無所施乃至一切法亦復如是無所見相離取著心大王其所施氈若有能見身者當可施之時有菩薩名曰智幢其王卽時復持其氈而以奉施彼菩薩曰大王有所見相非我

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30

所受如我受者不著異生及異生法不住有學及有學法不證無學及無學法不趣緣覺及緣覺法亦不求諸佛如來解脫涅槃而爲果證如是於一切法無所著相能施所施二種清淨無利無得如是施者而可受之是時大王欲以其颱被菩薩身菩薩卽時隱身不現但聞空中聲曰若有能見身者當可施之是時復有菩薩名善寂解脫其王卽時持颱奉施彼菩薩曰大王有所見相非我所受如我受者不起我見及我所見非卽煩惱非離煩惱非住定心非起散亂非智非愚離諸取捨如是施者而可受之是時大王欲以其颱被菩薩身菩薩卽時隐身不現但聞空中聲曰若有能見身者當可施之復有菩薩名最勝作意其王卽時持颱奉施彼菩薩曰大王有所見相非我所受如我受者不起諸相不行身業不發語業不起意業不著蘊處界法了一切法皆不可得非智所知非言所及無所依止湛若虛空如是施者而可受之是時大王欲以其颱被菩薩身菩薩卽時隐身不現但聞聲曰若有能見身者當可施之復有菩薩名曰上意其王卽時持颱奉施彼菩薩曰大王有所見相非我所受如我受者不起取相希求之心若言發

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

於阿耨多羅三藐三菩提心者是爲取相有所希求
何以故離有相心卽菩薩摩訶薩心此心平等故菩
提心亦平等此菩提心卽一切如來心由是平等故
諸法皆平等無二無差別無取亦無捨離取捨故我
相不生我相滅已無所希求如是施者而可受之是
時大王欲以其氍被菩薩身菩薩卽時隱身不現但
聞聲曰若有能見身者當可施之復有菩薩名三昧
開華其王卽時持氍奉施彼菩薩曰大王有所見相
非我所受如我受者於一切三摩地門證而無相無
所分別了一切法自性無動卽三摩地如是施者當

可受之是時大王欲以其氍被菩薩身菩薩卽時隱
身不現但聞聲曰若有能見身者當可施之復有菩
薩名成就意其王卽時持氍奉施彼菩薩曰大王有
所見相非我所受如我受者了一切語言文字自性
本空無所著相夫欲起心求諸法者墮有相中不名
成就若於一切法解無所得卽一切義成就一切皆
如意如是施者而可受之是時大王欲以其氍被菩
薩身菩薩卽時隱身不現但聞聲曰若有能見身者
當可施之復有菩薩名三輪清淨其王卽時持氍奉
施彼菩薩曰大王有所見相非我所受如我受者無

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

彼能施無此能受受者無所得施者無果報我尚非
有我所亦空如是施者而可受之王卽持毘欲被其
身時彼菩薩隱身不現但聞聲曰若有能見身者當
可施之復有菩薩名曰法化其王卽時持毘奉施彼
菩薩曰大王有所見相非我所受如我受者不以聲
聞緣覺涅槃而爲果證亦不以大般涅槃而爲果證
不離輪迴法不求涅槃法何以故生死涅槃二俱平
等如是施者當可受之王卽持毘欲被其身時彼菩
薩隱身不現但聞聲曰若有能見身者當可施之是
時大王以所施毘奉如是等諸大菩薩各各隱身皆
不納受爾時大王卽持其毘詣於尊者大迦葉所作
如是言尊者迦葉於聲聞中耆年有德佛所稱讚頭
陀第一願受我此上妙細毘滿我施心迦葉答曰大
王有所見相非我所受如我受者不斷貪嗔癡無所
染著乃至無明有愛而悉不斷亦不與俱無見苦斷
集證滅修道不見佛不聞法不入衆數非盡智無生
智可得可證無施者無受者無大果無小果無輪迴
可狀無涅槃可證諸法清淨離一切相如是施者而
可受之王卽持毘欲被其身迦葉亦復隱身不現但
聞聲曰若有能見身者當可施之如是大王於五百

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30 1 2 3 4

大聲聞所持毘施亦各不受隱身不現爾時大王
 卽作是念今此菩薩聲聞皆不受我所施之毘施我今
 持往後宮施其夫人及諸眷屬彼應當受作是念已
 持毘入宮而欲施之是時大王不見夫人復思施彼
 宮嬪眷屬亦復不見如是漸次觀察所有宮城殿宇
 皆悉不現同彼虛空是時大王復作是念今此上妙
 細毘無復所施作是念已欲持此毘施自被於身其王
 卽時亦自不見其身但聞空中聲曰若有能見身者
 當可施之大王當自觀身色相今何所在如自觀身
 不見其相觀他亦然自他之相俱不可得若如是見

者卽見真實法真實法者離一切見以離諸見故卽
 住平等法是時大王聞空中聲已離有相心斷疑惑
 想如從睡覺而得醒寤卽時宮城殿宇后妃眷屬見
 其色相還復如故卽詣菩薩大眾之所悉得瞻覩菩
 薩之相如本無異是時大王前白妙吉祥菩薩言菩
 薩大眾適當何往我所不見妙吉祥言大王勿生疑惑
 今此大眾本相無來其何所往大王於今見此衆
 不王曰唯然已見菩薩曰何所見耶答言如見真實
 法觀此衆亦然又問曰卽此真實亦云何見答曰真
 實法者離一切相非眼所觀不在內不在外不在中

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

間名相二法不可得故爾時妙吉祥菩薩復謂王曰
大王當知汝先造惡我聞佛記於當來世墮惡道中
王白菩薩言不也大士如佛世尊未曾有說墮惡道
者證涅槃者何以故於真法中無二差別菩薩復言
不也大王如佛所說善惡因果報應昭然作是說者
其義云何大王答曰菩薩大士如我意者諸佛如來
隨順方便巧說生死涅槃令諸衆生厭生死苦趣涅
槃樂如實說者生死涅槃二俱平等何以故諸法皆
空無有自性彼諸法性卽法界性法界性中無二差
別由是義故諸法無所生無所往無樂欲無厭捨我

今起正信心不生怖畏妙吉祥菩薩言善哉大王善
說此語離諸有相王言菩薩我性自空誰爲說者法
本無相當何所離如佛所說真實法中我相本無離
情非情諸行無作亦無受者菩薩告言大王汝於真
實法中雖復解了猶生執著王復白言云何離著菩
薩曰不壞惡趣相是爲無所著王言菩薩如是如是
如我意者惡趣之相無所動轉不壞不著無所畏懼
我今得離諸執永不復生有相之見譬如得忍菩薩
不復生於三毒之想是時智幢菩薩謂其王曰大王
於智慧道已得清淨離諸塵染得忍具足王白菩薩

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

言諸法甚清淨廣大無有量煩惱不能染涅槃不可得唯佛世尊自所證知爾時妙吉祥菩薩及諸大士於王宮中說正法時摩伽陀王獲得無生法忍其王宮中有三十二女人見妙吉祥菩薩神通變化事已皆發阿耨多羅三藐三菩提心會中復有五百人得法眼淨所有王舍城中一切人民皆悉持諸名華妙香集王宮門遙伸供養妙吉祥菩薩及諸大眾爾時妙吉祥菩薩哀愍城中一切人民爲利樂故以足指按地卽時大地皆作吠瑠璃色清淨光潔内外映徹是時城中若男若女一切人民皆悉得見妙吉祥菩薩及諸大眾無所障礙譬如清淨圓鏡照其面像一切人民瞻菩薩相亦復如是時妙吉祥菩薩各各爲其如應說法時城中八萬四千人得法眼淨五百人發阿耨多羅三藐三菩提心爾時妙吉祥菩薩受摩伽陀王飯食供養及爲廣說法已王之宮屬乃至一切人民皆獲利樂發希有心生大歡喜妙吉祥菩薩卽從座起與諸菩薩大眾而共圍繞出於王宮是時摩伽陀王與諸臣從及其眷屬禮敬勞謝隨從菩薩來于佛會是時菩薩旣離王宮漸次而行於其中路見有一人在於樹下涕淚悲泣發如是言我造殺業

經
佛說寶生王淨土經卷第
一
菩薩及諸大眾無所障礙譬如清淨圓鏡照其面像一切人民瞻菩薩相亦復如是時妙吉祥菩薩各各爲其如應說法時城中八萬四千人得法眼淨五百人發阿耨多羅三藐三菩提心爾時妙吉祥菩薩受摩伽陀王飯食供養及爲廣說法已王之宮屬乃至一切人民皆獲利樂發希有心生大歡喜妙吉祥菩薩卽從座起與諸菩薩大眾而共圍繞出於王宮是時摩伽陀王與諸臣從及其眷屬禮敬勞謝隨從菩薩來于佛會是時菩薩旣離王宮漸次而行於其中路見有一人在於樹下涕淚悲泣發如是言我造殺業

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

甚可怖畏當來決定墮於地獄我今如何得其救度
 是時菩薩見此人已觀其根緣而已成熟堪受化度
 菩薩卽化一人與其無異往彼人所旣相附近亦復
 哭泣謂前人曰我造殺業甚可怖畏當來決定墮於
 地獄前人聞已而卽謂言我亦如是造於殺業偶會
 今時誰生方便能爲救度是時化人卽告之言今我
 等輩造極重罪雖甚怖畏無能救者唯佛世尊有大
 方便而能救度我等今宜共詣佛所時彼化人便卽
 前行其人見已亦復隨從詣於佛所時彼化人到佛
 會已頭面禮足前白佛言世尊我造殺業怖墮地獄

願佛慈悲救度於我爾時世尊卽讚是言善哉善哉
 善男子今於佛前發誠實語如其所作稱實而言如
 汝所說造殺業者汝從何心而起罪相爲過去耶未
 來耶現在耶若起過去心者過去已滅心不可得若
 起未來心者未來未至心不可得若起現在心者現
 在不住心亦不可得三世俱不可得故卽無起作無
 起作故於其罪相何所見耶善男子心無所住不在
 內外中間心無色相非青黃赤白心無造作無作者
 故心非幻化本真實故心無邊際非限量故心無取
 捨非善惡故心無動轉非生滅故心等虛空無障礙

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 11 12 13 14 15 16 17 18 19 20

故心非染淨離一切數故善男子諸有智者應如是觀作是觀者卽於一切法中求心不可得何以故心之自性卽諸法性諸法性空卽真實性由是義故汝今不應妄生怖畏是時化人聞佛宣說真實之法心大歡喜卽白佛言希有世尊善說法界自性清淨我今得悟罪業性空不生怖畏我今樂欲於佛法中出家修道持於梵行唯願世尊攝受於我佛言善哉善男子今正是時爲汝攝受是時化人於剎那間鬚髮自落袈裟被身成苾芻相卽白佛言世尊我今入般涅槃願佛聽許佛言隨意時化苾芻承佛威神力故卽踊身虛空高七多羅樹化火自焚滅盡無餘同彼虛空爾時實造業者見是化人出家及聞佛說法已心生思念此人與我同造罪業彼先解脫我今亦宜求佛化度作是念已卽時頭面禮世尊足而白佛言世尊我造殺業怖於當來墮大地獄願佛慈悲而垂救度佛言善哉善男子今於佛前發誠實語汝所造業於何起心罪業之相其復云何是時此人以善根成熟故聞佛言已身諸毛孔出大火焰旋繞其身卽作是言我今歸佛願垂救度爾時世尊舒金色右手於其頂上此人卽時身火得滅離其苦惱得大快樂

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 11 12 3 4 5 6 7 8 9 30 1 2 3 4 5 6 7 8 9 30

經

雜言本旨有正法經卷第五

起淨信心向佛合掌而白佛言希有世尊我先聞佛廣說清淨法界離相之法我今得悟罪業性空而不復生怖畏之想我今亦於佛法中樂欲出家修持梵行願佛攝受佛言善哉今正是時爲汝攝受卽時此人鬚髮自落袈裟被身成苾芻相如百臘者諸根調適威儀庠序所願圓滿爾時世尊爲其宣說四諦之法彼聞法已卽時遠塵離垢得法眼淨而復審觀諦理卽於會中證阿羅漢果而白佛言世尊我今欲入涅槃願佛聽許佛言隨意是時苾芻踊身虛空高七多羅樹化火焚身滅盡無餘卽時會中有百千天人

發希有心各伸敬禮

佛說未曾有正法經卷第五

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

佛說未曾有正法經卷第五

佛說未曾有正法經卷第六

宋西天三藏朝奉大夫試鴻臚卿傳教大師

法天奉詔譯

爾時尊者舍利子見造殺業人歸佛出家得證聖果
如是希有事已前白佛言希有世尊如來大慈善巧
方便宣說正法所有造殺業者罪根深重如來於剎
那間善爲救度令得解脫斯乃諸佛如來方便之力
其所說法皆是諸佛境界唯妙吉祥大士及諸菩薩
被精進鎧者而善了知非是我等聲聞緣覺境界何
以故諸聲聞人智慧狹劣尚不能分別衆生機宜豈

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 10 11 12 13 14 15 16 17 18 19 20

能解了方便之法佛言如是如是舍利子諸佛境界
唯諸菩薩得忍法具足者而能趣入汝聲聞人雖離
補特伽羅之見唯樂趣求自利涅槃雖復修習頭陀
功德亦唯樂求戒定慧具足不樂修學諸佛之法諸
所施作有相有礙是故於佛境界莫能思議舍利子
汝今當知適所化度造殺業者此人已曾於五百佛
所恭敬供養種諸善根亦曾得聞如是之法是故此
人今於我前聞說正法以宿善根力得見諸法真實
之理如法解脫復次舍利子若人於此正法得聞一
四句偈者是人不墮惡趣離苦解脫決定成佛一切

智何況受持讀誦如法修行是人所獲功德無量無
邊爾時妙吉祥菩薩與諸菩薩摩訶薩衆及迦葉等
諸大聲聞摩伽陀國王并其官屬同時還詣鷲峯山
中釋迦牟尼佛會到佛會已各禮佛足退住一面爾
時尊者舍利子卽謂摩伽陀王言汝所愛樂大乘希
有之法妙吉祥菩薩已廣爲汝開示演說汝於是法
實了解不王言尊者我已解了希有之法舍利子言
汝當如何作了解耶答曰如我意者於一切法離諸
染著無得無失非取非捨非心境界無所得相是真
實法如是了知疑惑永滅一切障累無所從生爾時

乘甚深法味見法無生盡諸業障爲實滅盡爲有餘耶是事云何願佛爲說佛言舍利子此王所有業障皆悉滅盡無餘可得舍利子譬如芥子其量微小須彌山王能摧滅不汝今當知王之業障猶如芥子我所宣說甚深之法如彼山王是故此王聞甚深法豈有障累不滅盡耶舍利子言希有世尊此王利根明達而能聞法解了滅盡諸障如佛所言誠不虛耳佛言舍利子此王曾於過去七十二俱胝佛所恭敬供養種諸善根於彼佛所已聞正法由是善根當來決

定得證阿耨多羅三藐三菩提復次佛告舍利子汝見此妙吉祥菩薩不答曰已見佛言今此摩伽陀王與妙吉祥菩薩有大因緣舍利子過去有劫名爲無垢有佛出世號曰妙臂於彼劫中復有三俱胝佛出現於世如是諸佛皆因妙吉祥菩薩開發道心彼諸如來壽命長遠轉大法輪利益衆生此摩伽陀王於彼劫中已得值遇妙吉祥菩薩教化發於阿耨多羅三藐三菩提心王發心已於如是等佛世尊所種諸善根聽受大乘希有之法以是因緣善根深厚舍利子汝今當知摩伽陀王此命終後於上方界過四百

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

佛刹有佛刹名曰莊嚴其佛號寶聚如來應供正等
正覺此王生於彼中亦見妙吉祥菩薩聽受甚深之
法聞已解了證無生法忍乃至當來慈氏菩薩於此
娑婆世界成正覺已此摩伽陀王從彼莊嚴佛刹而
來生此於慈氏如來法中得爲菩薩號曰無動是時
亦得見妙吉祥菩薩爾時慈氏如來爲無動菩薩如
其過去所聞之法重宣說已告彼衆言汝等見無動
菩薩不此菩薩者豈異人乎卽過去釋迦牟尼佛法
中摩伽陀國王是此人於彼妙吉祥菩薩所聽受正
法獲得無生法忍佛告舍利子彼慈氏如來爲無動

菩薩說妙法時會中有八千菩薩得無生法忍二萬
四千諸小菩薩進入初地舍利子彼無動菩薩從是
已後於八百阿僧祇劫中修行淨諸佛刹教化衆生
今趣聲聞緣覺菩薩之地令諸衆生滅一切障解悟
正法不生疑惑彼無動菩薩過是八百阿僧祇劫已
卽於無染世界證阿耨多羅三藐三菩提號曰清淨
境界如來應供正等正覺十號具足其佛壽命四中
劫正法住世一俱胝歲有七十萬聲聞之衆皆悉具
足三明六通得八解脫有十二俱胝大菩薩衆而悉
具足智慧方便彼土所有衆生皆悉愛樂甚深之法

6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

彼佛如來廣爲宣說而諸衆生聞法悟解離諸煩惱
身心清淨各各不起我見之想

爾時釋迦牟尼佛爲舍利子說摩伽陀王當成佛事
時會中有三萬二千天子發阿耨多羅三藐三菩提
心皆發願言願我當得生彼無染世界見彼清淨境
界如來成正覺道釋迦牟尼佛卽記之曰汝等當得
生彼世界見彼如來成正覺道爾時摩伽陀王有一
太子名月吉祥年始八歲先隨父王至於佛會聞說
法已卽自解頸真珠瓔珞持以奉佛作是願言我今
以此供佛善根迴向阿耨多羅三藐三菩提願我當
來生彼清淨境界如來刹中爲金輪王乃至命盡以
其四事供養彼佛及苾芻衆至彼佛滅後我當收其
舍利恭敬供養願我相繼卽於彼刹證得阿耨多羅
三藐三菩提是時月吉祥太子發誓願已由佛威神
力故所獻瓔珞住虛空中在彼佛上變成七寶樓閣
中有七寶之座其上有佛結跏趺坐相好具足種種
莊嚴爾時世尊從其面門放衆色光所謂青黃赤白
紅紫碧綠如是光明普照無邊世界上至梵世光明
晃耀暎日月光而悉不現其光復還繞佛三匝從佛
世尊頂門而入爾時尊者阿難從座而起偏袒右肩

右膝著地向佛合掌說伽陀曰

已到彼岸大牟尼 具足一切勝功德
天人世間共所尊 一切智者離諸著

衆生心行及根性 如來一一皆了知

宣說妙法利羣生 一切世間爲最勝
所放希有大光明 普照十方一切刹

俱胝那由他衆生 蒙光暉者獲安隱
善逝已具於十力 念慧圓滿出世間

善別衆生心所行 說法斷疑無與等
所有梵王并帝釋 日月星辰及諸天

聞佛宣說妙法門

離諸煩惱得安隱

如來一切衆中尊

衆生有疑悉開決

今日何緣放是光

願佛慈悲爲我說

爾時世尊告阿難言汝見此月吉祥太子不阿難白
佛言雖然已見佛言阿難今此太子於過去世中已
修菩薩之行供養於我深種善根由是機緣而已成
熟今於我前發阿耨多羅三藐三菩提心起大誓願
以是緣故放斯光明阿難此太子當來生於無染世
界清淨境界如來法中爲金輪王供養彼佛及苾芻
衆至彼佛滅後收其舍利恭敬供養是人於彼命終

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

經

佛言卷第廿二法華經卷第二

已後生兜率天至滿一劫生無染世界證於阿耨多羅三藐三菩提名爲月幢如來應供正等正覺十號具足彼佛世尊及菩薩聲聞之衆所有壽量皆悉同等爾時他方來會諸菩薩衆聞授月吉祥太子記已俱白佛言世尊今釋迦牟尼佛與妙吉祥菩薩於一切方處作大佛事利益衆生無有空過何以故佛及菩薩以大悲心起諸方便於國城郡邑乃至聚落處處爲諸衆生說法教化今諸衆生聞法解脫離諸怖畏斷除一切煩惱重障我等今日得於此地聞佛及妙吉祥菩薩宣說妙法及見放光希有之事利益衆生誠無空過爾時世尊告諸菩薩言善男子如是如是若佛菩薩於諸方處爲諸衆生宣說正法施作佛事當觀是處如佛塔廟何以故我於過去世中值遇然燈如來時我以信重心故垂髮布地承彼佛足我時獲得無生法忍彼然燈如來知我已得忍法具足卽爲我授阿耨多羅三藐三菩提記作如是言汝於來世過阿僧祇劫當得作佛號釋迦牟尼如來應供正等正覺十號具足彼然燈佛授我記已告彼苾芻衆言汝等宜於此地起尊重想勿生輕慢何以故此地有善男子垂髮布地承世尊足以殊勝力故卽得

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

忍法具足是故此地所有天人瞻敬如佛塔廟而無有異然燈如來作是言時有八十俱胝天人異口同音白佛言世尊我等今於此地起尊敬想如佛塔廟是時有一長者名曰賢天在彼會中卽白然燈佛言我今於此造七寶塔使諸衆生瞻禮獲福時彼長者卽如其言起希有心集諸珍寶造立一塔高廣妙好種種莊嚴其功殊麗不日而成是時長者旣造塔已卽詣然燈佛所白言世尊我已造立七寶妙塔於當來世得幾所福佛言長者若有善男子於菩薩摩訶薩證無生法忍之地墾取其土下至水際當持此土

恭敬供養所得福聚尚如供養諸佛塔廟等無有異何況汝今起淨信心造七寶塔所獲福聚倍勝於前無量無邊不可較量是時然燈如來復告賢天長者言汝今於此深種善根於未來世中釋迦牟尼佛所授阿耨多羅三藐三菩提記爾時釋迦牟尼佛爲他方來會諸大菩薩說是往昔受記因緣復告諸菩薩言汝今當知我往昔時於然燈佛所種善根已今得成佛彼時我得忍法之地彼諸天人敬如佛塔汝等今日於此地中亦應如是起尊敬想復次諸菩薩汝等當知彼時賢天長者豈異人乎卽今賢天長者

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 10 11 12 13 14 15 16 17 18 19 20

是於彼法中亦名賢天此人於未來世當得成佛號
曰善現如來應供正等正覺十號具足復次諸菩薩
我此所說甚深之法若有苾芻苾芻尼優婆塞優婆
夷能聽受讀誦爲他演說者是人所居之地天人瞻
敬如佛塔廟等無有異復次諸菩薩若有善男子善
女人修施行者聚以七寶滿三千大千世界於晝夜
六時供養諸佛及苾芻衆如是乃至劫盡不如於此
未曾有正法聽受讀誦一四句偈是人所獲功德倍
勝於前又復若人修戒行者於一劫中持佛戒法無
有缺犯圓滿一切淨戒功德不如於此正法聽受讀

誦比前功德千分不及一又復若人修忍行者於一
劫中常行忍辱於一切衆生不生恚害如是獲得忍
行圓滿不如於此正法聽受讀誦如法修行獲得法
忍具足功德如是而爲最上又復若人修精進者於
一劫中勤行教化一切衆生而不暫起懈怠之心如
是獲得精進圓滿不如於此正法聽受讀誦所獲功
德倍勝於前又復若人修禪定者於一劫中住三摩
地一心專住離諸散亂如是獲得定行圓滿不如於
此正法聽受讀誦所獲功德倍勝於前又復若人修
智慧者於一劫中修諸智慧方便如是獲得智慧圓

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

經

佛說華嚴正法經卷八

二十一

滿不如於此正法聽受讀誦所獲功德廣大無量速能圓滿一切智果爾時他方來會諸大菩薩聞釋迦牟尼佛宣說此法甚深功德各白佛言世尊我等聽受此法還於本土爲人演說宣通流布使諸衆生各獲利益釋迦牟尼佛言善哉善哉諸善男子汝等宜應宣布此法廣爲衆生施作佛事是時諸來菩薩卽散妙華滿三千大千世界供養釋迦牟尼佛及妙吉祥菩薩作如是言願此正法久住闍浮提中利益一切衆生願釋迦牟尼佛及妙吉祥菩薩久住世間放光明照諸衆生我等今者得入此會見佛世尊聞說妙法皆因妙吉祥菩薩而爲勸導假使我等捨其頭目手足而以奉施猶不能報菩薩之恩今此散華而亦未爲報恩供養是故若有善男子善女人得見諸佛聞正法者假使捨其頭目手足終不能報諸佛之恩是故當須於佛菩薩及諸經法起淨信心尊敬供養勿生輕易及疑惑想起是想者獲大重罪爾時他方來會諸大菩薩說是語已禮世尊足右繞三匝卽於會中隱身不現還本佛土各各住於彼彼佛前作如是言我於娑婆世界聞釋迦牟尼佛及妙吉祥菩薩宣說正法我已受持於此宣布爲衆生說令諸

衆生決定證得阿耨多羅三藐三菩提爾時尊者大迦葉白佛言世尊今此正法甚爲希有如我所見妙吉祥菩薩於摩伽陀王宮中受食供養菩薩爲王宣說此法時王證得無生法忍我亦隨喜聽受此法深自剋責生大歡喜世尊於後末世若有衆生聞此正法心生正解者是人乃能知法自性斷諸疑念今來決定成等正覺佛言迦葉善哉善哉善說此語若諸衆生聞是法已當來決證佛菩提果爾時佛告慈氏菩薩言汝今受持此法於後末世爲諸衆生宣布演說使諸衆生皆獲利益得大快樂慈氏菩薩白佛言如世尊勑我當受持世尊我於過去佛所亦曾聽受此法今於佛前又復得聞深自慶幸我於當來護助宣通令法久住乃至我此命終生兜率天而彼天中若有根熟樂大乘者我亦爲其開示演說令發道心於南閣浮提不令斷絕又末世之中若有男子女人受持讀誦此正法者若爲諸魔之所燒亂我於彼時末世之中若有得聞是法聽受讀誦如法修行者當知是佛威神之所建立爾時佛告帝釋天王言憍尸迦汝今受持記念我此正法於後末世而爲護助何

以故此法能斷一切疑能淨諸業障與諸法平等又復有大威力帝釋當知汝若與彼阿修羅鬪戰之時汝當記念此法爾時得勝彼當退敗又復若人於王難賊難虎狼蟲獸惡人等難中若能思惟記念此法者是人卽得遠離諸難時帝釋天王白佛言如世尊勅我當護持於後末世若國城郡邑乃至聚落有是法處我當往彼恭敬供養若有持是法者我乃護助爾時佛告尊者阿難言汝今受持我此正法於後末世爲諸衆生宣布演說何以故此法甚深昔未曾有若男子女人受持此法者彼得離諸疑惑滅除一切

煩惱罪垢是故汝當記念受持阿難白佛言世尊我以佛神力之所加護於末世中宣布此法令諸衆生皆獲利益世尊此經何名我等云何奉持佛告阿難是經名爲未曾有正法如是受持爾時世尊付囑菩薩聲聞及帝釋已卽於會中佛身左右放大光明普照十方一切世界於其光中出微妙聲普告大衆如來應供正等正覺所說正法乃至劫壞大海枯竭此法不壞能爲衆生作大利益是時光中發其聲已所放光明旋還佛身是時世尊復告阿難言汝持佛語慎勿忘失於後末世宣通此法廣爲利樂一切衆生

6 7 8 9 **10** 1 2 3 4 5 6 7 8 9 **20** 1 2 3 4 5 6 7 8 9 **30** 1 2 3 4 5

經傳未嘗有正注經卷第六

二十一

深
入

釋迦牟尼佛說是未曾有正法時有九萬六千天人遠塵離垢得法眼淨七百八十萬人發阿耨多羅三藐三菩提心三萬二千菩薩得無生法忍八十萬苾芻不受諸法漏盡意解即時三千大千世界六種震動欲色界天於虛空中奏百千天樂供養世尊及所說法釋迦牟尼佛說此正法時所有一切天魔外道聞已驚怖皆悉歸佛如佛初轉法輪降伏天魔今日無異此法是諸佛印是大法印是解脫印諸有智者當如是學如是修行佛說此經已摩伽陀國王及其眷屬妙吉祥等諸大菩薩大迦葉阿難舍利子目乾

連等諸大聲聞乃至世間天人阿脩羅乾闥婆等一切大眾聞佛所說皆大歡喜信受奉行

佛說未曾有正法經卷第六

丹陽居士賀懋熙懋照懋熒懋燾懋煥懋仰承
先嚴賀學禮遺願施貴刻此
佛說未曾有正法經五之六計九千乙百五
字該銀四兩七錢六分
武林釋如德對長洲徐普書上元李炤刻
萬曆癸丑歲春正月徑山化城識

佛說未曾有正法經卷之六已上共字一萬九千三百六十九箇共該銀一十五兩二錢七分

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

30

經言多合有二沙集卷六

三十六七六箇共六卷之十五兩二卷子六

佛說大方廣善巧方便經卷第一

宋西天三藏朝奉大夫試光祿卿傳法大師

施護奉詔譯

如是我聞一時佛在舍衛國祇樹給孤獨園與大苾
芻衆八千人菩薩一萬六千人俱是諸菩薩智慧方
便神通具足辯才無礙得大總持爾時世尊處大法
座與如是等無數百千大衆恭敬圍繞聽受說法彼
時會中有一菩薩摩訶薩名曰智上從座而起偏袒
右肩右膝著地禮佛雙足禮已合掌前白佛言世尊
我有少法欲伸請問如來應供正等正覺悲愍我故

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

願賜聽許佛告智上菩薩摩訶薩言善男子恣汝所問今正是時諸佛如來隨有問者各各爲其如應演說令彼聞已心生歡喜時智上菩薩摩訶薩卽白佛言世尊云何是菩薩摩訶薩善巧方便願佛世尊廣分別說佛告智上菩薩摩訶薩言善男子汝今當知具善巧方便菩薩摩訶薩以一方便普令一切衆生如理修行何以故具善巧方便菩薩摩訶薩乃至於彼傍生異類諸惡趣中菩薩亦以平等一切智心施其方便卽以如是善根迴向一切衆生令諸衆生修行二法何等爲二所謂一切智心迴向心善男子如

是名爲菩薩摩訶薩善巧方便復次善男子具善巧方便菩薩摩訶薩於諸衆生所有善根不念破壞常所愛樂生隨喜心卽以如是隨喜善根迴向一切衆生復以一切智心廣施一切衆生雖起施心悉無所取亦無所得善男子如是名爲菩薩摩訶薩善巧方便復次善男子具善巧方便菩薩摩訶薩若時往彼十方世界乃至一切方處或見一切微妙可愛香樹華樹菩薩見已不生一念希取之心作是思惟此香樹華樹非我所取當獻十方一切諸佛卽以如是善根迴向一切智善男子如是名爲菩薩摩訶薩善巧

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

方便復次善男子具善巧方便菩薩摩訶薩隨所向處或見一切衆生受諸快樂菩薩爾時生隨喜心卽以如是隨喜善根迴向一切智又若菩薩隨所向處或見一切衆生受諸苦惱菩薩爾時起悲愍心被進進鎧卽作是言一切衆生所有苦惱我當代受普願衆生得安隱樂卽以如是善根迴向無上菩提善男子如是名爲菩薩摩訶薩善巧方便復次善男子具善巧方便菩薩摩訶薩隨諸方處若禮一佛如來卽同禮彼諸佛如來何以故諸佛如來同一法性同一戒品定品慧品解脫品解脫知見品亦復同一最上

心意菩薩如是了知已乃至恭敬供養一佛如來卽同恭敬供養諸佛如來菩薩以廣大心普攝一切善男子如是名爲菩薩摩訶薩善巧方便復次善男子具善巧方便菩薩摩訶薩或時見有修大乘者於大乘法生退沒心菩薩爾時知彼心已卽作是念我應爲彼稱讚一四句偈令彼如是如理修學使不退沒念已卽言諸有修大乘者若能於此一四句偈解了其義卽能於彼一切語言通達義趣如所解了不生退沒又復我此所說一四句偈若有能聽受者是人卽得諸佛辯才我當以是善根普施一切衆生悉願

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 10 11 12 13 14 15 16 17 18 19 20

得彼多聞具足諸佛無礙辯才所攝善男子如是名爲菩薩摩訶薩善巧方便復次善男子具善巧方便菩薩摩訶薩或時往彼貧窮乞匄人所菩薩爾時心生悲愍卽自念言他業所作受決定報我今於此歡喜和合隨其所欲而悉施與如佛所說於一施中有四行相所謂施大心大等今我此中所施雖少一切智心而復無量若我以是一切智心施此乞人卽以如是善根力故當以寶手常出珍寶普施一切衆生如是布施此乞匄人乃能與彼現在佛世尊所布施持戒修禪定者所作福行等無有異善男子如是名

爲菩薩摩訶薩善巧方便復次善男子具善巧方便菩薩摩訶薩若時與彼聲聞緣覺同所居止菩薩爾時於彼二乘但生恭敬若彼聲聞緣覺或以二事而生我相何等爲二一者菩薩出生諸佛世尊二者諸佛出生聲聞緣覺彼以是事而自念言我於此中是爲最上何能於彼生恭敬心而此菩薩雖聞是說以方便故心無異想善男子如是名爲菩薩摩訶薩善巧方便復次善男子具善巧方便菩薩摩訶薩能於一施行中成就六波羅蜜多是相云何所謂菩薩隨諸方處見來求者菩薩爾時攝伏慳心隨其所欲而

悉施與此卽名爲菩薩成就布施波羅蜜多如是施時菩薩自持戒行復能攝彼諸破戒者普令安住清淨戒地此卽名爲菩薩成就持戒波羅蜜多如是施時菩薩以其慈心爲首復起不破壞心救護心等住心起是心時此卽名爲菩薩成就忍辱波羅蜜多如是施時若飲若食及諸所欲隨其所施菩薩來去住止於身語心位不生懈倦此卽名爲菩薩成就精進波羅蜜多如是施時隨所施處菩薩心住一境不起散亂此卽名爲菩薩成就禪定波羅蜜多如是施時菩薩悉知如是施者如是受者得何果報如是知已

稱量較計皆悉平等是中無有少法可得此卽名爲菩薩成就智慧波羅蜜多善男子如是名爲善巧方便菩薩摩訶薩於一施行中成就六波羅蜜多爾時智上菩薩摩訶薩復白佛言希有世尊菩薩摩訶薩布施行中乃有如是善巧方便以是方便而能解脫一切衆生輪迴苦惱普攝一切諸佛法藏佛言智上如汝所說如是如是諸菩薩摩訶薩具善巧方便故而能於其一施行中成就無量利益勝行爾時世尊復告智上菩薩摩訶薩言善男子汝今當知具善巧方便菩薩摩訶薩設於異時有極重罪而彼菩薩亦

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30

不壞善根云何不壞所謂菩薩或時值遇彼惡知識
勸令退失無上道意得極重罪菩薩爾時卽自思惟
我今若或卽於此身取證涅槃斷後邊際不復堪任
被精進鎧何能度脫一切衆生輪迴苦惱我今不應
以此因緣自壞其心何以故我欲於輪迴中度脫一
切衆生設有極重罪亦不斷善根善男子如是名爲
菩薩摩訶薩善巧方便又善男子若出家菩薩有分
別心生別異作意彼所得罪過四根本是菩薩若具
善巧方便者隨起卽悔善男子我說彼菩薩爲無罪
者爾時智上菩薩摩訶薩白佛言世尊云何菩薩亦

有罪耶佛告智上菩薩摩訶薩言善男子若言菩薩
無有罪者云何菩薩於百千劫中學波羅提木叉戒
有破根本罪者善男子汝今當知是等菩薩雖於一
切衆生善言惡言皆悉能忍但爲於彼聲聞緣覺法
中相應作意是故我說彼所得罪過四根本如彼聲
聞乘人犯根本罪已無所堪任取證涅槃出家菩薩
亦復如是起是罪已不卽悔捨聲聞緣覺相應作意
亦復無所堪任不能趣證大涅槃界

爾時尊者阿難在大會中前白佛言世尊舍衛大城
有一菩薩名光聚王我於一時入城乞食於其城中

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30 1 2 3 4

不見彼菩薩是時光聚王菩薩別在一聚落中與一
女人同坐一處說非法語我往見已彼不覆藏而復
別說彼梵行法世尊我佛如來是一切衆生大師無
所不知無所不見無不解了我見是相其事云何願
佛開示尊者阿難發是言時而此佛會地大震動爾
時光聚王菩薩現身虛空高一多羅樹卽於空中問
阿難言尊者阿難於汝意云何犯非法者豈能如是
住虛空耶是時尊者阿難對如來前向空問言光聚
王菩薩如我向者所見事相云何菩薩有此非法耶
尊者阿難作是言時世尊卽爲垂足按地是時他方

世界有佛世尊現虛空中發是聲言菩薩已離非法
我知是事我證是事彼佛言已隱空不現爾時世尊
告阿難言汝不應於住大乘者菩薩正士生過失想
阿難譬如聲聞乘中初二果人求無漏道不以爲難
具善巧方便菩薩摩訶薩亦復如是求一切智不以
爲難何以故菩薩已離眷屬纏縛故已能安住佛法
僧寶不壞淨信不退轉於阿耨多羅三藐三菩提阿
難當知若有住菩薩乘者不離一切智心設於五欲
法嬉戲而行亦無過失所有諸佛如來得五根具足
其義如是阿難如汝所見光聚王菩薩其事因緣我

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

今爲汝如實宣說阿難汝今當知光聚王菩薩向於聚落同處坐者而彼女人於過去世二百生前與此菩薩曾爲夫婦是故今時而此女人見光聚王菩薩吉祥威光戒力具足女人見已由宿習故生麁重想以善根力復作是念我若得此光聚王菩薩來我舍中共坐一處彼能令我發生阿耨多羅三藐三菩提心阿難時光聚王菩薩知彼女人心所念已卽於夜分往詣彼舍與其女人共坐一處廣爲宣說無數法門時女人舍內外平正廣博嚴淨時光聚王菩薩旣同坐已卽復執彼女人右手說伽陀曰

佛不稱讚染欲法

愚癡迷著而所行

若能斷除欲愛心

佛說斯人爲最上

阿難時彼女人聞是伽陀已心大歡喜卽從座起合掌恭敬禮彼光聚王菩薩足說伽陀曰

我本無心實求欲

我知欲法佛不讚

若能斷除欲愛心

佛說斯人爲最上

說是伽陀已復說伽陀曰

當知如我心所思

所說真實而無異

若人樂求佛菩提

一切衆生獲利樂

阿難時彼女人得光聚王菩薩善巧方便爲開導故

6 7 8 9 10 1 2 3 4 5 6 7 8 9 30 1 2 3 4 5 6 7 8 9 30

卽時女人發阿耨多羅三藐三菩提心時彼菩薩卽從座起出離彼舍阿難汝今當知我觀彼女人深心清淨勇猛最勝我今爲彼授菩提記阿難彼女人從此命終已當轉女身得成男子從是已後過九十九百千阿僧祇劫當得成佛號曰近事如來應供正等正覺出現世間阿難以是緣故當知菩薩摩訶薩已離眷屬恩愛纏綿一切非法永不復生爾時光聚王菩薩摩訶薩聞佛世尊如是說已從空中下頭面著地禮世尊足禮已合掌前白佛言世尊具善巧方便菩薩摩訶薩住大悲行常所利益世尊我今亦得是行又復世尊若有菩薩能爲一衆生發一善根者於諸色愛不起罪心若如所起罪垢心者當於百千劫中受地獄苦世尊若彼菩薩起是罪心受斯地獄苦者當知是菩薩卽捨離衆生所發善根令彼善根不能成就爾時世尊讚光聚王菩薩言善哉善哉菩薩正士如汝所說如是如是若住大悲心者能爲一切衆生斷除一切罪垢善男子我念過去阿僧祇劫前有一摩訧磚迦名曰光明於四萬二千歲中修持梵行離諸過失過是四萬二千歲已而於一時以因緣故入一王城其名神通於彼城中見一女人名曰伽

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30

吒時彼女人見是摩擎囉迦色相端正女人見已生欲愛心來詣其前作禮而住光聚王爾時摩擎囉迦卽問彼女人言今汝女人有何所求女人答言我今求汝摩擎囉迦共爲夫婦摩擎囉迦言我不於女人而生欲想女人又言我於今時若不得汝爲夫婦者我當不久而趣命終爾時摩擎囉迦作是思惟我於四萬二千歲中修持梵行不犯禁戒我於今時不應受是染愛非法而此女人我宜遠離作是念已離彼女人而行七步過七步已還復少住爲其女人起大悲心作是念言我於今時發勇悍心設犯禁戒寧當忍受地獄苦報不應遠離令彼失命爾時女人聞是言已心生快樂適本所願不至命終光聚王時彼光明摩擎囉迦卽執彼伽吒女人手作如是言如汝所欲今我與汝隨所應作如是光明摩擎囉迦與伽吒女人於十二年中共爲夫婦彼摩擎囉迦過是十二年已又復精進修持梵行從是歟已生梵天界光聚王汝今當知彼時光明摩擎囉迦者勿起異見今我身是彼時伽吒女人者今耶輸陀羅是所以者何我於爾時但能一念起大悲心又復還修梵行得生梵界如是我於十千劫中受輪迴身雖受是身不生厭

忍經
卷之三
佛說太子廣記大傳第第一
深井

忍受地獄苦報不應遠離令彼失命爾時女人聞是言已心生快樂適本所願不至命終光聚王時彼光明摩擎囉迦卽執彼伽吒女人手作如是言如汝所欲今我與汝隨所應作如是光明摩擎囉迦與伽吒女人於十二年中共爲夫婦彼摩擎囉迦過是十二年已又復精進修持梵行從是歟已生梵天界光聚王汝今當知彼時光明摩擎囉迦者勿起異見今我身是彼時伽吒女人者今耶輸陀羅是所以者何我於爾時但能一念起大悲心又復還修梵行得生梵界如是我於十千劫中受輪迴身雖受是身不生厭

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

倦光聚王諸有衆生不具善巧方便者於輪迴中受地獄苦菩薩以能具足善巧方便是故得生於梵天界光聚王假使舍利子目乾連大阿羅漢雖復神通智慧於聲聞中而爲第一亦未能具善巧方便光聚王今我法中有一苾芻名俱迦梨俱墮地獄中其事云何光聚王我念過去拘留孫佛法中有一苾芻名曰無垢時彼苾芻修阿蘭那行獨止一巖其巖不遠有五通仙人別止一處忽於一時布大黑雲降霆大雨時彼近住五通仙人往詣無垢苾芻巖所欲生惱害破彼楚行是時仙人正入苾芻方出仙人見已起

過失心妄生輕謗作是思惟此無垢苾芻退失梵行欲造非法爾時苾芻知彼仙人心所念已卽踊身虛空高七多羅樹仙人見是苾芻住在空中仙人告言我持利刀來此巖中破汝楚行汝今何復住空中耶仙人言已苾芻卽時從空而下禮彼仙人不復踊身是時仙人於須臾間全身墮彼大地獄中光聚王於汝意云何彼時無垢苾芻者勿起異見卽今慈氏菩薩是彼五通仙人者卽俱迦梨俱苾芻是光聚王此因緣者當知非彼聲聞緣覺境界皆是菩薩摩訶薩善巧方便智慧所行光聚王又如世間有誠尼迦人

六十四種藝能具足是人愛樂財寶隨所向處以藝能故一切所用皆悉能得於彼彼人所得財利已後復忘恩心生棄捨具善巧方便菩薩亦復如是於一切處設諸方便救度衆生彼彼所向於諸衆生無所希取見彼衆生所有善根勸令增進由彼所作善根力故普令衆生出生勝行菩薩亦復無所取著乃至戲樂等事雖復順行而已捨離不復於心有所繫縛光聚王又如世間傍生異類或見妙華色香具足時彼傍生不能生起一念愛樂具善巧方便菩薩亦復如是雖受一切戲樂等事未嘗暫起一念愛樂無自

作無他作一切無著光聚王又如世間肥壤地中植
諸種子決定得生芽莖果實具善巧方便菩薩亦復
如是修空無相無願解脫法門決定已能離諸染法
雖受一切戲樂等事而亦不壞修行佛所稱讚功德
成就光聚王又如世間漁捕之人於大池中張以大
網捕取其魚隨彼所欲皆悉能取不墮水中具善巧
方便菩薩摩訶薩亦復如是修空無相無願解脫法
門一切智心堅固所護畢竟不墮生死泥中隨彼彼
處滅此身已生梵天界

佛說大方廣善巧方便經卷第一

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30

生滅死中

無財無財

全塑水中

全大心中

末梨王又破世間煩惱之

一財禮樂等事而衣不繫

空無財無財

於空無財無財

於空無財無財

佛說大方廣善巧方便經卷第二

宋西天三藏朝奉大夫試光祿卿傳法太師
施護奉詔譯

復次光聚王又如持明人善修瑜伽悉地法門於秘密五種縛中而受繫縛隨所作法不越三昧是人以一大明句力悉能斷除彼一切縛而獲安住秘密行門雖在繫縛中常不離三昧具善巧方便菩薩摩訶薩亦復如是於五欲境中嬉戲順行隨其所作不壞正行是菩薩以一智慧明力悉能清淨一切染法於一切智心而能安住雖受五欲樂常生梵天界光聚

6 7 8 9 10 11 2 3 4 5 6 7 8 9 30 1 2 3 4 5 6 7 8 9 30 1 2 3 4

經

高僧力之廣義五方傳經卷第二

二

沙九

王又如世間善用劍者於其劍法巧妙精熟是人一時隱覆利劍獨行曠野險難之處於其中路忽見一人單已無伴復無器仗時用劍人見彼人已生悲愍心卽相附近而謂言曰汝今獨行一無伴侶又無器仗將何護身汝今同我隨其所往終不令汝有所闕失若忽值遇盜賊等事我當爲汝作大救護言已同行於其中路忽逢賊衆時同行人不知此人先隱利劍見是賊已卽生怖畏時用劍人發勇猛心無所怯懼卽出其劍與彼賊衆而共鬪敵時彼賊衆皆悉斷命其用劍人自護身已復能防護彼同行者咸得安

隱過斯險難具善巧方便菩薩摩訶薩亦復如是而能具足種種方便執智慧劍雖於五欲境嬉戲順行終不暫令身根起放逸事能爲身根作大防護設於異時遇煩惱魔菩薩亦復無所動轉被精進鎧不生怖畏以智慧劍斷煩惱網悉令清淨菩薩常生清淨佛土爾時會中有一菩薩名曰作愛於其食時入舍衛大城而行乞食時彼菩薩次第行至一長者舍立門側發聲乞食長者有女名曰上財顏貌端正人所愛樂是時彼女聞菩薩聲卽持飲食出施菩薩授其食已卽於菩薩生愛樂心若色相若音聲而生取

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

經

佛說大方廣華嚴經卷第

沙門

著由此因緣起貪染心作愛菩薩見是女已卽知其
念菩薩爾時於貪染法無所作意卽自思惟於須臾
間若起一念貪染心者是大過失何以故今此女人
我於何處而生可愛若彼眼根爲可愛者眼是無常
敗壞不淨肉團彼自性空何所愛樂若於耳鼻舌身
意根爲可愛者彼諸根亦復如是自性皆空無有
實法何所愛樂如是從足至頂乃至內外中間一一
如實審諦觀察是中無有少法可得我今如是如實
觀已於一切法悉無所有法無有故卽法無生菩薩
作是思惟時卽得無生法忍菩薩得是利已心大歡

喜卽於是處踊身虛空高一多羅樹於其城中右繞
七匝出舍衛大城乘空往詣佛世尊所爾時世尊見
彼作愛菩薩威德巍巍猶如鷲王乘空自在徐緩而
來世尊見已謂阿難言阿難汝見此作愛菩薩從空
來不阿難白佛言世尊唯然已見佛告阿難言汝今
當知此菩薩者於一切法離貪愛心證法無生悉無
所得而能降伏一切魔軍廣爲衆生轉正法輪時佛
言已而彼菩薩卽住空中聽佛說法是時彼上財女
人於長者舍忽然命終生三十三天轉女人相得天
子身彼天子生時有七寶莊嚴微妙宮殿同時出現

6 7 8 9 10 1 2 3 4 5 6 7 8 9 20 1 2 3 4 5 6 7 8 9 80 1 2 3 4

縱廣十二由旬復有一萬四千天女眷屬同時而生
是諸天女於須臾間自有智生成作是念我等今時
以何善根得生於此卽知先世舍衛城中有長者女
於一菩薩起染愛心以是因緣於彼命終生此天中
轉女人相而爲天子彼得無量勝報神通我等由是
天子勝因緣故亦得生此作是念已歡喜而住爾時
彼新生天子卽作是念我昔人間生染愛心如何今
時得是勝報此因緣者乃是作愛菩薩增上善力爲
開導故我今宜應往詣佛所恭敬供養彼佛世尊及
欲瞻禮作愛菩薩爾時彼天子作是念已卽時與諸

天女眷屬持以種種殊妙香華從彼天界來詣佛所
到已頭面禮世尊足卽於佛前合掌向空遙伸敬禮
作愛菩薩然後以彼所持衆香華等尊重恭敬供養
世尊作供養已右繞三匝合掌向佛說伽陀曰

不可思議人中尊 不可思議大菩提

不可思議諸佛行 不可思議諸佛法

我舍衛城長者女 父本立名爲上財

色相端嚴衆所欽 父母宗親亦愛念

於一時中有佛子 具大威德名作愛

舍衛城中乞食行 次第來至於我舍

6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

佛說力女廣善行大集經卷第二

經

我時聞彼美音聲 適悅歡喜卽取食

持食詣彼作愛前 以尊重心施佛子

我時見彼妙色相 心生愛染欲和合

彼因緣故不能成 我於剎那而命斷

我今不能具宣說 作愛佛子大因緣

於染愛法不相應 令我滅已生勝處

世尊我雖捨前報 快哉斷我女人相

轉成男子大威光 又復得生於天界

與我同生諸天女 一萬四千爲眷屬

復有最上七寶嚴 微妙宮殿同時現

我時發生如是心 此爲不可思議事

我以染愛心爲因 云何得此清淨報

作愛佛子甚希有 亦名作喜作光明

我身熾盛大威光 由彼勝因獲如是

染因能成如是果 聲聞緣覺不能知

而彼乘中無此法 唯善逝智而能轉

假使琬伽沙數劫 不能修學諸佛智

我今無餘所樂心 唯求無上菩提果

作愛佛子大威德 是我最上善知識

我因彼故得見佛 安住菩提無退轉

6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

伊計大文廣善工大集卷第二

十一

深九

我知修行菩提者　　於染愛心無所著
如我所轉女人相　　普願一切爲男子
我前世中命終後　　父母親族懷悲惱
恩愛極苦所纏心　　返於沙門生忿恚
我今以佛威神力　　於剎那間詣父所
隱身住空而白言　　勿於沙門生忿恚
起忿恚者大過失　　於長夜中受苦惱
上財女者今我是　　已生三十三天中
轉彼女人前報相　　得大威光天子身
父母今詣於佛所　　應當懺彼忿恚心

佛是衆生大慈父　　一切衆生所歸趣
父母聞說佛聲已　　卽起廣大增勝心
爾時父母承佛力　　應聲卽詣於佛所
到已頭面禮佛足　　懺悔先起忿恚心
白言我今歸依佛　　合掌又復伸問言
佛法僧寶最尊勝　　當云何作供養事
唯佛能知我心意　　如我所問願佛說
發是言已諦誠往　　一心渴仰而聽受
佛告上財父母言　　汝今諦聽我所說
若欲供養諸佛者　　應當發起菩提心

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 40

經

佛說大法華經卷第2

當知汝女上財者 五百生中種善根
今轉女身爲天子 爲汝父母善開導
父母聞佛如是語 卽發無上菩提心
歡喜稱讚作是言 人中大僊如實語
爾時佛告阿難言 汝今證知如是事
菩薩方便不思議 於染心中得淨報
如上財女所轉相 一切衆生亦如是
阿難如是勝功德 能令衆生皆離苦
今此天子勝福報 於染愛心常清淨
而能恭敬佛世尊 尊重無上菩提故

多劫已曾供養佛 於諸佛所種善根
堅固安住菩提心 決定當得菩提果
爾時尊者阿難白佛言世尊如我意者譬如須彌山
王衆寶所成雖種種寶有種種色彼黃金色而爲最
上菩薩摩訶薩亦復如是若清淨心若染汙心若住
法心若隱法心雖種種心如是差別彼一切智心而
爲最上世尊諸菩薩摩訶薩最初安住一切智心於
諸染法悉能清淨又如有藥名曰善現能治世間一
切病苦菩薩摩訶薩亦復如是住一切智心已能斷
除貪瞋癡等諸煩惱病爾時世尊讚尊者阿難言善

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

哉阿難如汝所說如是如是

爾時尊者大迦葉前白佛言希有世尊菩薩摩訶薩能行最上寂靜之行能於一切衆生起悲愍心常所利益又復能修空無相無願解脫法門不樂聲聞緣覺之法於一切處不離一切智心具不可思議善巧方便世尊諸菩薩摩訶薩一切所行無著無礙於色聲香味觸境中行而不取亦無起作世尊我今樂說譬喻明菩薩行願佛世尊聽許我說佛言大迦葉樂說當說今正是時大迦葉言世尊譬如世間有無數百千人衆於其曠野險難之處見有一門而彼人衆

爾時各各從其門入過見門已次見道路其路懸曠險惡多難彼諸人衆見是路已咸生怖畏是時有一智人具善方便欲爲多人利益安樂卽告衆言汝等當知去此不遠有一大城其城廣闊嚴麗清淨人民熾盛安隱豐饒入彼城者適悅快樂誰當愛樂入其城中卽能遠離險難怖畏時彼衆中有一類人聞是語已卽時發言我今樂入是城已見其豐饒安隱快樂生希有想愛著不捨卽於彼住不復樂出有一類人聞說其城卽時發言我亦隨順入彼城中是人雖入不樂彼住後復還出又復衆中有一類人雖聞

6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

11

是語不能前詣入彼城中世尊彼有智人過此城已
又復行於曠野險路出是路已見一道徑其徑狹小
可一尺量徑之左面有一大坑深百千肘徑之右面
復一大坑深百千肘若或有人墮是坑者不能出離
彼徑四向有一類人發是聲言我於此處生大怖畏
又復去彼狹徑不遠有四衢道一類人衆遊履其道
隨其所向彼彼皆能見有大城如如所見彼彼隨應
而生愛樂時彼智人見是狹徑已卽行其徑到安隱
處世尊世間無數百千人者當知卽是諸愚異生一
門者當知卽是取一有身彼曠野險難中見道路者

當知卽是生死險難之路其路懸曠者當知卽是無
明有愛爲因受果極懸遠故彼有智人能唱導者當
知卽是具善巧方便菩薩摩訶薩彼大城者卽是二
乘所證涅槃有一類人入彼大城愛樂安住不求出
者當知卽是聲聞緣覺下劣信解生止息想彼一類
人亦欲隨順入其城中不樂安住後還出者當知卽
是餘諸菩薩成就最上信解心故彼一類人雖聞是
語不能前詣入其城者當知卽是少福無智諸外道
輩彼有智人過此城已又復出彼曠野路者當知卽
是具善巧方便菩薩摩訶薩精進波羅密多故彼一

6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

經
傳譯所為廣善工大像經卷第二

沙門

尺量狹徑路者當知卽是最上法界左面坑者當知卽是彼聲聞地右面坑者當知卽是彼緣覺地彼徑四面有一類人發怖畏聲者當知卽是諸天魔王及魔眷屬彼四衢道者卽是四攝法門隨其所向彼彼皆能見大城者當知卽是彼二乘人隨其所應見佛功德見佛所行及佛智慧生愛樂故時彼智人到安隱處者當知卽是到一切智地世尊如是等譬喻說者當知皆是菩薩摩訶薩善巧方便引導衆生是爲菩薩最上勝行以是義故我於菩薩摩訶薩所應敬禮爾時世尊讚尊者大迦葉言善哉善哉汝大迦葉

善說此語當佛如是讚迦葉時會中有萬二千衆生得天人身皆發阿耨多羅三藐三菩提心佛告大迦葉言汝今當知菩薩摩訶薩具善巧方便者已能成就無量功德於一切時雖有所作不復起彼諸不善業於自於他遠離過失

爾時智上菩薩摩訶薩於佛會中見如是事聞如是法又復恭敬前白佛言云何世尊往昔爲一生補處菩薩時於彼迦葉如來法中曾作是語何故剃鬚髮云何求菩提而此菩提最上難得昔作是語當有何義願佛于今爲我宣說佛告智上菩薩摩訶薩言止

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9 60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9

善男子勿作是語當知菩薩摩訶薩隨其所行隨有所說非無利益何以故具不可思議方便菩薩見彼正士隨所應住於彼彼衆生如應調伏一切所行當知不離菩薩摩訶薩善巧方便復次智上我今爲汝廣說菩薩摩訶薩善巧方便甚深正法汝應聽聞如善作意善男子如我住昔爲菩薩時於然燈佛所成就不可思議方便爾時我於彼佛法中證得無生法忍從是已後我爲得忍菩薩爲菩提故轉復精進若一劫若百劫未嘗懈倦未嘗厭捨未嘗失念數數來此輪迴趣中以善方便救度衆生以自慧力隨諸

所作悉得成就於後邊際不作住想爲利衆生無有休息當知此是菩薩摩訶薩善巧方便復次善男子我爲菩薩時爲菩提故雖入聲聞寂靜三摩地乃至入菩薩三摩地若身若心無出沒想雖得寂靜樂而不住著雖在三摩地而精進不懈以六波羅蜜多四攝法門教化衆生諸有所作未嘗懈息當知此是菩薩摩訶薩善巧方便又善男子我爲菩薩時已得一生補處將欲成道轉大法輪卽於兜率天宮如實觀察我今爲當於此天中成等正覺轉法輪耶爲人間耶如是觀察又復思惟我若卽於天中作此利者閻

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 40

浮提人不得聞法若於閻浮提中作此利者而此諸天不得聞法我今隨其所宜但應下降閻浮提中成等正覺而此諸天亦可利益又復菩薩思惟觀察我若從此兜率天宮沒已下生人間不入胎藏現受生相於須臾間便成正覺者彼閻浮提所有衆生當起疑念此釋迦菩薩從何所來天中來耶乾闥婆中來耶變化來耶以是緣故從天中沒下降閻浮提順世間入母胎藏當知此是菩薩摩訶薩善巧方便復次善男子菩薩雖住胎藏世間衆生不應於此作實住想何以故菩薩本從無垢寂靜三摩地安詳而起從

天中沒下降人間處胎受生出家苦行乃至坐菩提場成等正覺降伏魔衆轉大法輪如是一切所作菩薩於中清淨無染無動無轉不出不沒以是義故應知清淨行菩薩不實住胎藏當知此是菩薩摩訶薩善巧方便又復何緣菩薩但現胎生不現餘生耶所謂菩薩於一切衆生中最上最勝是潔白分純一無雜以如是相現處胎生當知此是菩薩摩訶薩善巧方便又復菩薩初入母胎其相云何所謂菩薩入母胎時內外清淨安隱無難不苦不惱如昔天中所受快樂菩薩入母胎時樂受相應亦復如是不同世人

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 40

攢彼父母羯邏藍等穢汙不淨爲入胎相又復何緣
菩薩於母胎中住滿十月不增減耶所謂菩薩不同
世人住母胎藏日月數量有增有減以增減故胎藏
不圓諸根缺減是故菩薩滿足十月胎藏圓滿諸根
具足無所增減當知此是菩薩摩訶薩善巧方便又
復何緣菩薩不樂宮殿而返於其園林中生所謂菩
薩於其長時遠離憒鬧樂寂靜處修寂靜行有諸天
龍夜叉乾闥婆等常所衛護菩薩欲令迦毗羅城一
切人民以諸香華隨喜供養各得瞻覩以是因緣菩
薩於其園林中生又復何緣菩薩之母攀其樹枝生

菩薩耶謂菩薩母不同世間所有母人當產生時苦
受相應得大苦惱摩耶夫人生菩薩時樂受相應得
大快樂以是因緣菩薩之母攀彼樹枝而生菩薩又
復何緣菩薩於母胎中能念能知彼三世事乃至菩
薩入胎住胎等事悉能知耶所謂清淨行菩薩於三
界中最上最勝正念現前於一切法無所忘失是故
菩薩雖住胎中能念能知彼一切事又復何緣菩薩
生時唯帝釋天主而來衛護菩薩生已卽爲捧接爾
時無復餘天人耶所謂帝釋天主先發大願菩薩生
時爲作守護以彼往昔善根力故是故菩薩生時唯

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 40 1 2 3 4 5 6 7 8 9 50

帝釋天王而來衛護又復何緣菩薩生已卽於四方各行七步不減至六不增八耶所謂菩薩正士神通變化隨宜方便其相如是由此因緣但行七步無所增減又復何緣行七步已卽發是言我於世間最尊最勝已能解脫老病死法謂此梵界諸天子衆聞菩薩生悉來瞻禮各各隨應得其利益菩薩爾時卽自思惟但此梵界諸天子衆得知是事我今欲令一切普得聞知作是念言乃發聲言我於世間最尊最勝已能解脫老病死法發是言時所有三千大千世界諸天子衆及諸梵衆聞是聲已於須臾間一切皆來

至菩薩所合掌恭敬隨喜稱讚以是因緣乃唱是言我於世間最尊最勝

佛說大方廣善巧方便經卷第二

| | |
|--------------------|----------------|
| 丹陽居士賀懋熙懋照懋熒懋濤懋輝仰承 | 先嚴賀學禮遺願施賈刻此 |
| 佛說大方廣善巧方便經卷一之二共計字九 | 千三百四十箇該銀四兩八錢六分 |
| 吳江釋如意對長洲徐普書真州劉文元刻 | 萬曆癸丑歲夏四月徑山化城識 |

6 7 8 9 10 1 2 3 4 5 6 7 8 9 20 1 2 3 4 5 6 7 8 9 80 1 2 3 4 5 6 7 8 9

佛說大方廣善巧方便經卷第三

三

佛說大方廣善巧方便經卷第三

宋西天三藏朝奉大夫試光祿卿傳法大師
施護奉詔譯

復次善男子何緣菩薩生已現大笑相豈非菩薩以
掉舉故現是相耶所謂菩薩生已作是思惟我欲普
令一切衆生悉能同我發菩提心我當得菩提已廣
度衆生出輪迴苦我於是事無懈怠想我觀一類衆
生起下劣心迷亂作意於解脫道不能發起廣大精
進此復云何所謂具大悲心者能起精進彼類衆生
無如是行我欲令彼成就如是廣大精進得最上解

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

經

佛說大方廣圓覺經卷第三

脫是故我取一切智果由此因緣心生歡喜以其喜
因現大笑相而非菩薩掉舉相故又復何緣菩薩身
本無垢而沐浴耶所謂菩薩無量劫來雖離垢染今
此現生隨順世間沐浴其身又復何緣菩薩生已而
不便從園中詣菩提場成等正覺復入王宮其事云
何所謂菩薩身相圓滿威德具足人所瞻者皆獲利
益菩薩乃入王宮令彼宮嬪一切眷屬咸得瞻覩又
在於其宮中隨順世間作嬉戲事受諸快樂雖同有
作而無其實乃至一切所有及轉輪王位皆悉棄捨
出家修道由此因緣是故菩薩復入王宮又復何緣

摩耶夫人生菩薩已七日命終豈非菩薩咎耶所謂
菩薩於兜率天將欲下降入母胎藏先以天眼審諦
觀察見摩耶夫人所有壽量滿足十月餘復七日卽
當命盡菩薩如是觀已乃入胎藏住經十月由此因
緣摩耶夫人七日命終壽量盡故非菩薩咎又復菩
薩未出家時徧學世間一切藝能所謂書算呪術工
巧歌舞乃至弓箭器仗等事如是學者其義云何所
謂菩薩爲欲調伏世間顯最勝故所以者何而此三
千大千世界中無有一人所學藝能勝菩薩者以是
緣故菩薩未出家時學如是事又復何緣菩薩未出

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

家時納妻有子而復廣有宮嬪妓女諸眷屬等豈非
菩薩生貪愛耶所謂菩薩雖同世間起如是相而非
菩薩生貪愛心何以故菩薩正士已離貪愛於貪愛
中隨所施作而無其實所有菩薩納耶輸陀羅而爲
妻者菩薩爲欲令耶輸陀羅滿宿願故彼耶輸陀羅
往昔曾於然燈佛所發是願言願我當於釋迦牟尼
佛法中爲釋種女種諸善根以彼宿世無虛妄言是
故我今納以爲妻令彼速得善根成就隨世間相雖
復如是而菩薩心不生過失後當棄捨出家修道所
有生羅睺羅子者謂世間人作是謗言若無子息生
育相繼者彼非丈夫菩薩息是故乃令耶輸陀羅
釋種之女卽時產生羅睺羅子而此羅睺羅者不從
父母鶠遜藍等穢汙所生當知從天中沒化相生此
所有廣集宮嬪妓女諸眷屬者菩薩爲欲各各隨應
教化開導悉令獲得最上善利後當棄捨出家修道
菩薩於其宮中以阿耨多羅三藐三菩提法教化開
導四萬二千宮嬪妓女悉令種是菩提善根餘諸宮
女但能信心清淨安住正見是故當知諸菩薩摩訶
薩修菩薩行者隨世間相雖處王宮納妻有子廣集
宮嬪諸眷屬等乃至於五欲樂嬉戲順行諸有所作

皆無其實清淨潔白離諸垢染無愛無著無動無轉
菩薩但爲教化一切衆生圓滿宿願成熟善根故卽
以不可思議善巧方便神通願力變化所生變化所
作於其神通遊戲法中得三摩地寂靜快樂隨應所
作皆悉利益菩薩處王宮時雖受一切象馬奴婢而
彼一一皆是宿世殊勝願力菩薩爲成就故而乃攝
受以是因緣當知菩薩納妻等相非貪愛心又復何
緣菩薩一時往閻浮樹下結跏趺坐彼時日光雖轉
樹影不移其相云何所謂菩薩欲令七俱胝天人獲
利益故其相如是又復何緣菩薩出遊園林見老病
死生怖畏耶所謂菩薩已離老病死怖見是相時現
恐怖者欲令衆生起厭畏故又復何緣菩薩於中夜
分踰城出家而不於彼晝日分耶所謂菩薩取夜分
者欲令迦毗羅城一切人民皆不見故又爲菩薩令
自善根而得增長白法清淨圓滿具足棄捨一切所
有樂事是故菩薩於中夜分踰城出家又復菩薩出
王宮已至苦行處自手截髮菩薩之父淨飯大王聞
如是事心不生信云何我子便截髮耶後知其實心
生苦惱是相云何所謂菩薩以所截髮欲令三千大
千世界一切天龍夜叉乾闥婆人非人等見佛吉祥

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 45

威光最勝髮髻瞻禮恭敬獲大利益以是因緣而自
截髮又復菩薩所有迦蹉迦馬王種種莊嚴馭人食
那善能控馭菩薩當乘出王宮時而彼馬王歡喜而
行後乃棄捨是相云何所謂菩薩一切所愛歡喜棄
捨無所戀著欲令末世一切衆生如我今時離諸愛
著於我法中如是修學又復今末世中諸出家者以
彼正命出家學道以是緣故棄捨馬王又復何緣菩
薩於寂靜處六年苦行歷諸難事豈非菩薩餘業障
故感是報耶所謂菩薩諸障已盡無有苦報諸所作
事但是菩薩善巧方便善男子汝前所問我爲一生
補處菩薩時曾發是言何故剃鬚髮云何求菩提而
此菩提最上難得此因緣者非無利益今當爲汝如
實宣說我念往昔於迦葉如來法中而爲菩薩名曰
護明我時以善巧方便於諸衆生隨其所宜爲作利
益彼時有五婆羅門是大族姓子先於菩薩乘中修
諸梵行後因值遇彼惡知識使令忘失大菩提心彼
五婆羅門卽於一時起如是心我等已能得菩提法
起是心者異見相應我於爾時觀知彼心卽以方便
欲爲開導乃於彼前發如是言何故剃鬚髮云何求
菩提而此菩提最上難得彼五婆羅門聞是語時感

6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

作是念何故護明菩薩發如是言我知其念又復告言何故剃鬚髮云何求菩提而此菩提最上難得我時言已安住真實平等法門卽與五婆羅門同住一處時有二人一名竭致迦囉二名貢婆迦囉來詣於我及五婆羅門所先廣稱讚迦葉如來最上功德後復謂我及五婆羅門言今可往詣迦葉如來應供正等正覺所我於爾時作是思惟此五婆羅門善根未熟若今同詣迦葉佛所我或稱讚迦葉如來最上功德彼五婆羅門不能稱讚作是思惟已告彼二人言我自知時作是言已我卽於般若波羅蜜多住無所

住以般若波羅蜜多力所護故從是出生善巧方便卽謂五婆羅門言我向語汝何故剃鬚髮云何求菩提而此菩提最上難得於如是義汝等未解今爲汝說以何義故菩提難得所謂菩薩若於般若波羅蜜多無所行想無所住想卽於菩提無智無得如實而觀悉無所得又菩提者不在內不在外不在中間不可以身得不可以心得畢竟空中一切無得是故我向謂汝等言何故剃鬚髮云何求菩提而此菩提最上難得當知此說是真實說時五婆羅門聞是法已心得開悟還復安住大乘法中我作是說已住一切

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

法無所得心卽離是處又復別詣於一方所彼五婆羅門爾時亦復同於彼住是時竭致迦囉貢婆迦囉二人承佛威神力故復詣彼處方便勸導五婆羅門令彼同往迦葉佛所我時觀彼五婆羅門根緣已熟卽時與彼五婆羅門及其二人同詣迦葉如來應供正等正覺所到佛所已各禮佛足時彼二人以宿世善根力故見佛相好爾時各各心得清淨彼五婆羅門得見如來色相光明吉祥威德心生歡喜各以宿世善根力故還發阿耨多羅三藐三菩提心我時白佛言此五婆羅門善根成熟願佛化度爾時迦葉如來應供正等正覺卽爲宣說菩薩藏法隨其所應而能解了卽時皆得無生法忍迦葉如來卽爲我授阿耨多羅三藐三菩提記我得記已卽白迦葉佛言以如來應供正等正覺攝受此五婆羅門故而令得見如來復爲宣說菩薩藏法教化開導皆爲得忍菩薩求佛菩提不復退轉復次智上我昔於彼迦葉如來法中爲一生補處菩薩時先所發言何故剃鬚髮云何求菩提而此菩提最上難得作此說者爲開導故由是因緣彼獲利益是故當知諸所言說非無義利皆是菩薩摩訶薩善巧方便而非過咎非不善法若

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

有衆生少知少見者或於持戒清淨沙門婆羅門所發無義語所謂以智爲非智作是語者不能長夜利益安樂但能與彼苦受相應此等衆生作不善業是過咎者菩薩摩訶薩卽不如是一切障累悉已清淨無復少分業障可得但爲衆生滅諸惡法普令堪任趣證解脫智上如昔因緣當如是知又我所有六年苦行歷諸難事但爲降伏諸外道故又欲令諸衆生起精進故一麻一麥爲所食者欲令身器得清淨故由此因緣於六年中修諸苦行而非餘業所感報應我昔如是於六年中修苦行時有五百萬天衆仙衆

皆得智通三昧是故當知我修此行以善巧方便爲利益故又復菩薩先受乳糜食已增益勢力方乃行詣菩提場中而取正覺何不但令其身瘦悴往彼道場成正覺耶所謂菩薩悲愍末世一切衆生先受乳糜食已方成正覺何以故末世衆生皆以飲食而爲資助有諸衆生求道果者若無飲食資身彼不能增進咸生退屈若得飲食爲資助者皆獲安隱以安隱故於諸善法而悉記念乃能增進趣求道果我欲令彼末世衆生如是學我先受飲食後方進道又爲令彼獻乳糜者牧牛女人圓滿施因成就菩提分法我

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

時食已安坐道場得菩提果能於一三摩地中住經千劫皆由段食力所資故以是因緣受彼乳糜又復菩薩旣處苦提樹下金剛座上何不速證阿耨多羅三藐三菩提果而先降伏諸魔軍耶所謂無處可能容受諸惡魔衆菩薩若不以善巧方便而容受者彼諸惡魔卽當娆亂一切衆生是故菩薩處其座已作是思惟我於今日成等正覺而此三千大千世界諸衆生中有何等衆生心不喜樂念已觀察知諸惡魔心不喜樂欲於菩薩而生娆害菩薩爾時又復思惟我今不應與魔鬭戰但以神通作變化事使彼降伏

又令一切天龍夜叉乾闥婆阿脩羅迦樓羅緊那羅摩睺羅伽人非人等衆得見菩薩師子遊戲神通相已發於阿耨多羅三藐三菩提心以是因故普令當得最上涅槃爾時菩薩作是念已卽於眉間放大光明其光普照三千大千世界一切魔宮皆悉映蔽於王位出家修道詣菩提場取證阿耨多羅三藐三菩提發是聲時復有無數天人四衆來菩薩所瞻禮恭敬是時一切魔王及魔眷屬見是事已四散馳走驚怖戰掉憂箭入心生大苦惱時惡魔衆忿恚轉增於

6 7 8 9 10 11 12 3 4 5 6 7 8 9 20 1 2 3 4 5 6 7 8 9 80 1 2 3 4

經
一
何許大法廣善王大傳經卷第三

九

須臾間化四兵衆繞菩提場面百由旬種種變現而爲燒亂菩薩爾時住大慈心雖見是相而無動轉菩薩卽以寶網鬘手作降魔相是時諸魔卽皆降伏爾時有八十四俱胝天龍夜叉乾闥婆阿修羅迦樓羅緊那羅摩睺羅伽人非人等皆發阿耨多羅三藐三菩提心以是緣故菩薩先現降魔相當知皆是善巧方便又復何緣如來得阿耨多羅三藐三菩提已於七晝夜中結跏趺坐觀彼樹王寂然不動所謂色界有諸天子修寂靜行者見如來應供正等正覺跏趺而坐心大歡喜作是思惟如來於七晝夜中依止一

心寂靜而住是心不可得作是念時有三萬二千色界天子發阿耨多羅三藐三菩提心我爲欲令未來世中諸修道者悉能如是修寂靜行以是因緣如來得菩提已於七晝夜觀彼樹王寂然不動又復如來得菩提已何故最初梵王勸請轉法輪耶此因緣者所謂有諸梵衆勸請梵王隨應說法何以故彼諸梵衆謂能依止梵王復謂梵王能生梵衆於此世間無復最先過梵王者爾時梵王作是思惟如來大師爲世間尊隨應悉能知衆生根是故我應勸請說法作是念已詣菩提場勸請世尊轉正法輪當彼梵王如

卷之三

是勸請時有六百八十萬梵衆發阿耨多羅三藐三菩提心以是緣故梵王最初勸請轉正法輪復次智上如來大圓鏡智悉能顯照一切衆生語言心行一切所作無不容受照見衆生最初邊際有具善根者有不具善根有彼衆生彼業報大圓鏡中皆悉顯現乃至諸佛如來所作報應亦於中現菩薩詣菩提場成等正覺圓滿一切白法最勝功德如來已斷一切不善之法已能清淨一切障累已能遠離一切過失如是功德大圓鏡智皆悉顯照復次智上如來從大悲心起善巧方便普爲救度一切衆生譬如醫

藥善解醫藥諸有病者隨其所宜甘苦辛味和合妙
藥應病而授皆得除愈如來大師亦復如是具足種
種善巧方便爲大醫王善療衆病隨觀衆生有何等
病如其所應以善巧方便而爲救療皆令解脫又如
世間彼初生子慈母乳哺恩育愛憐不令有少病苦
所侵若後有病慈母卽爲揀擇良藥授與令服子旣
服已而得安樂如來大師亦復如是爲一切世間之
父觀諸衆生如其子想不令衆生有苦惱者若見衆
生造彼業得彼報如來隨應卽以善巧方便而
爲救度令得解脫智上如是所說當知是爲善巧方

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

經

佛說大方廣善巧方便經卷第三

便

佛說大方廣善巧方便經卷第三

佛說大方廣善巧方便經卷第四

宋西天三藏朝奉大夫試光祿卿傳法大師

施護奉詔譯

復次智上我念過去世時有五百商人入海求寶是時別有一商人其性剛強猛利暴惡於海中路而忽相逢彼一商人卽生惡心欲謀珍寶彼自思惟我今宜應設其方便悉斷彼諸商人命已當取珍寶還閻浮洲自受快樂是時五百商人衆中有一商主名曰善御其性慈和於一切人常生悲愍商主一時止息而臥忽於夢中見大海神出現其相謂商主言汝今

經

佛說大方廣善巧方便經卷第四

十一

深

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

經

何詩大士廣善工方傳經卷第四

當知諸商衆外別有一人其性暴惡如是色相如是
名字彼人起賊害心欲謀珍寶彼作是念應當速斷
諸商人命取其珍寶還閻浮洲自受快樂是故我今
如彼所念而先語汝汝可思惟作何方便令此惡人
不造殺業免地獄報又復商衆得全其命何以故此
五百商人皆於阿耨多羅三藐三菩提已住不退轉
而彼惡人於如是住菩薩法者若造殺業永墮地獄
無有出期是故汝今宜設方便善爲救度爾時善御
商主從夢覺已卽作是念我於今時有何方便令此
惡人不造殺業免地獄報得諸商人各全其命於一

日中如是思惟求善方便而未能得乃至七日審諦
思惟亦不能得過七日已卽作是念我今無復方便
可得但當於彼興殺心者先與斷命彼斷命故不造
殺業免地獄報又令餘衆得全其命如是念已而復
籌量我若與此五百商人共斷其命而五百人皆墮
地獄我今宜應起大悲心爲救護故自手當殺此殺
因者設於百千劫中獲地獄報亦當忍受但能今時
以如是大悲方便令此惡人不造殺業當免地獄無
量劫苦又令住菩薩法者諸商人衆安隱無難爾時
商主作是念已卽設方便乃斷其命時彼惡人既此

6 7 8 9

10

11

12

13

14

15

16

17

經

傳說大方廣善巧方便經第四

深

命終得生天界智上彼五百商人者當知即是此賢劫中五百如來是時衆中爲商主者卽我身是我於百千劫在輪迴中以大悲心出生善巧方便如是種種救度衆生於汝意云何菩薩摩訶薩雖經百千劫在輪迴中皆爲以方便智救度衆生勿謂菩薩摩訶薩有業障可得是故當知諸佛菩薩諸所作業皆悉清淨無復少分障累可得智上又復當知如來應供正等正覺是金剛不壞之身乃至舉足下足皆以神通方便作大利益是時舍衛城中有二十人忽與二十極惡知識而相值遇是諸人等互起惡心欲相謀殺各各伺求彼彼方便時四十人承佛威神力故俱詣佛所到佛所已住立一面爾時如來應供正等正覺爲欲化度彼四十人故於剎那間化一大人在佛會中卽白大目乾連言尊者當知今此大地不久出現諸草木相而彼大人作是言時世尊卽爲垂其右足於須臾間而此大地卽生草木各一尺量時尊者大目乾連白佛言世尊今所出現草木之相我於餘方可能見不佛言不能尊者大目乾連而卽隨取少分草木乃自執持時三千大千世界皆悉震動于是如來應供正等正覺以神通力現自身相出過梵界

殺各各伺求彼彼方便時四十人承佛威神力故俱詣佛所到佛所已住立一面爾時如來應供正等正覺爲欲化度彼四十人故於剎那間化一大人在佛會中卽白大目乾連言尊者當知今此大地不久出現諸草木相而彼大人作是言時世尊卽爲垂其右足於須臾間而此大地卽生草木各一尺量時尊者大目乾連白佛言世尊今所出現草木之相我於餘方可能見不佛言不能尊者大目乾連而卽隨取少分草木乃自執持時三千大千世界皆悉震動于是如來應供正等正覺以神通力現自身相出過梵界

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經一
佛說大方廣善巧方便經第四

廿

而此草木亦復隨從出過梵界又復如來以神通力現大海中而此草木亦隨彼住又復如來以神通力入大山間而此草木亦隨彼住爾時如來還本座已卽收右足而此草木亦安住不動爾時尊者阿難白佛言世尊如來往昔有何因緣今現是相佛言阿難我於往昔爲大商主入海求寶逢惡知識我時以大悲心而斷其命昔因緣故今有是相爾時世尊說伽陀曰

今此所現如是相 不住虛空及山海
乃至不住諸地方 以宿因故如是住

爾時彼四十人咸作是念如來是大法王無實業障可得我等互起惡心自相謀害今對佛前宜應懺悔作是念已俱白佛言世尊我等先起惡心互欲殺害是故今時各各懺悔爾時世尊卽爲如應宣說法要彼四十人皆得智證三昧是時有五百二十萬衆生遠塵離垢得法眼淨智上以此因緣當知諸佛如來舉足下足皆是神通方便作大利益實無少分業障可得又復如來已離諸病何故一時遣諸苾芻詣者婆所求青蓮華藥汁要當何用所謂我於一時與五百苾芻結夏未久住於林間是時有修左囉摩婆尾

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

迦行者住彼林側是人忽有病生不能進止不能調伏卽於我所求以妙藥而救其苦我時作是思惟今不應知是病所宜何以故我若知其病所宜者後末世中破壞聖心于今設何方便得藥與療但當令此諸苾芻衆爲求其藥作是念已卽令諸苾芻詣耆婆所求青蓮華藥汁與療其病是諸苾芻雖承佛旨而未卽行爾時淨居天子見諸苾芻已白言尊者汝等當如佛旨求如是藥爲作救療勿求別藥令彼服已而趣命終諸苾芻言我等若行求藥違佛戒法我等寧自喪命終不違佛戒法而行淨居天子復白諸苾

芻言如來是大法王以利益心猶故現相服藥除病汝等今時何不如教當行求藥當行求藥淨居天子如是三白已時諸苾芻息疑悔心卽詣耆婆所求如是藥得是藥已授彼病人服已除差智上以是因緣我爲利益故乃遣苾芻求如是藥而非如來有諸病惱又復如來諸福蘊中最上最勝何故最先執持應器入城乞食所謂如來已離諸障無段食想但爲愍念後末世中有諸苾芻少福德者雖入王城聚落持鉢乞食而不能得乃生退屈不能長時勤行乞食爲令此等苾芻當於爾時作是思惟如來大師於諸世

何說大法廣善五才傳經卷第四

十一

間福聚最勝猶尚隨宜持鉢乞食況復我今末世苾
芻薄福德故乞食所難不應生苦但當行乞雖復少
得而亦爲足智上如來在世行乞食者又爲隨順作
利益故所謂令諸婆羅門長者居士乃至一切人民
以佛威神所加持故於現世中飲食豐足不值饑饉
之苦何以故如來在世不令諸魔作饑饉難是故如
來以善方便隨順世間雖受段食不生愛著不令婆
羅門長者乃至一切人民及餘諸天子衆等起如是
念沙門瞿曇於其段食愛樂作意如來爲令彼等不
生念故於晝夜中與苾芻衆常住三昧依止一心寂

而無動無高無下前引於後後如於前正念相應於
一時中我住三昧有七萬天子發清淨心禮敬於我
我卽從三昧出爲其如應宣說法要彼諸天子於諸
法中得法眼淨由此因緣是故當知諸佛如來現行
乞食但以善巧方便作利益故又復一時有贊左摩
拏轉迦於佛如來而生惡意當墮地獄佛爲救護其
事云何所謂如來怨親平等無復少分障累可得但
爲衆生安樂利益我於爾時爲欲救護彼贊左摩拏
轉迦故以我威神力令其得見兢伽沙數世界諸佛
如來是諸如來大圓鏡智中現彼所作業以諸如來

神通方故令此摩訶囉迦見自業已卽生悔心作如是言今於此中真實顯現乃自思惟如來一切白法具足云何我今但造惡業於白法分而不能得彼摩訶囉迦作是念時卽得清淨正白梵行於其夢中見佛現身所有先起惡意之罪皆悉銷滅命終已後免地獄報當知皆是如來神力而爲救護何以故所謂如來以大悲方便不捨衆生故又復一時有孫那利梵志於祇陀林中彼以因緣而斷其命佛時不知云何名爲一切智耶所謂如來無礙正智皆悉具足無不知見如來隨諸色相神通等事皆以威神建立今

此孫那利梵志者佛觀是人壽量已盡決定命終亦非如來不能了知又欲以是因緣令諸外道攝伏其心止息自罪爾時如來以加持力於七夜中不入聚落是時有六十俱胝天人過七夜已往詣佛所到佛所已乃爲隨應宣說法要卽時各得智證三昧又復何緣如來昔曾於三月中食馬麥耶所謂如來欲令婆羅門長者等生希有心又爲成就利益事故所以者何我於一時與五百苾芻見五百馬我觀彼馬宿世善根今已成熟何以故此五百馬於前前世已曾爲人親近供養先佛如來於先佛所發菩提心後因

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

經一
值遇彼惡知識破壞善法造諸惡業以是報應今受馬身又復此五百馬往昔曾於日藏菩薩所發大誓願以其宿世大願力故今復值遇日藏菩薩以菩提法方便教化令得度脫是五百馬以菩薩威力及自願力故各能思念宿生中事智上我觀彼馬有是因緣生悲愍心欲爲化度乃與苾芻往彼馬所以所食麥卽取食之我自食已而復授彼五百苾芻時五百馬以宿善根力故見佛及苾芻衆食是馬麥卽時禮佛及諸苾芻彼五百馬過三月已皆悉命終生兜率天卽從彼天來詣佛所恭敬尊重瞻禮供養佛卽隨

應爲說法要是諸天子悉於阿耨多羅三藐三菩提住不退轉如來爲令此五百馬成就如是大利益事故食馬麥智上當知所有一切飲食如來食者皆爲最上食假使三千大千世界土及乳糖如來食者於是二種等無差別皆成上味何以故如來舌根常得上味是大人相以是緣故當知諸佛如來凡所受食皆爲最上食我時謂阿難言汝捨轉輪王位出家修道於諸衆生起悲愍心汝今食此馬麥而得何味阿難白佛言世尊今此馬麥甚爲希有我雖生於王宮昔未曾得此最上味是時阿難食馬麥已於七日中

得大喜樂智上我時與彼五百苾芻夏安居已各還所止是時五百苾芻衆中有四十苾芻食是馬麥雖於其味作清淨想還復思念諸苦糲食如是思念已於七夜中各得阿羅漢果智上當知如來雖食馬麥實非宿障報應之事但爲衆生作大利益又令諸修淨戒沙門婆羅門生希有心復令一切衆生如說能行當知如來一切最勝諸所施作不壞法行又復何緣如來一時謂迦葉言我患背痛汝可爲我說七覺支法此因緣者所謂爾時有八千天子而共集會是諸天子先於佛法僧寶未生淨信當於爾時暫聞迦

葉說七覺支法而彼信心漸能開悟卽詣迦葉所迦葉重復廣爲分別七覺支法是八千天子卽時各得智證三昧乃自思惟衆生有病不能聽法若聞法者病得銷除如來是大法王猶故現病令大迦葉說七覺支法我等云何不樂聽法彼諸天子作是思惟已卽於佛法心得清淨以是利益因故如來乃現背痛令大迦葉說七覺支法當知皆是善巧方便實非宿障報應之事又復何緣昔有莊嚴幢婆羅門於一時中向佛世尊發不善語佛於爾時不生恚礙所謂如來於天人四衆大集會中已得忍力具足隨觀諸境

不生恚礙如來爾時於諸衆生住平等心救護心安
住心柔軟心勇猛心如來住是諸心時有四千衆生
發阿耨多羅三藐三菩提心以是利益因故如來乃
於莊嚴幢婆羅門不生恚礙當知皆是如來善巧方
便實非宿障報應之事復次智上我念昔爲菩薩時
彼提婆達多在在處處常隨於我何以故彼提婆達
多雖來我所伺求燒害而能令我圓滿六波羅蜜多
能令無量衆生得大利益所謂若時欲令衆生得大
快樂我不能行布施攝法提婆達多卽來我所乞妻
子奴婢頭目手足我於爾時皆悉能捨以能捨故彼

作是言如是名爲難行之行能令衆生起發善根我
作是施時有無量衆生起愛樂心於布施行得淨信
解又復若時我以菩提願力住淨戒行提婆達多來
詣我所欲破淨戒我於爾時堅固不動不壞戒行有
無量衆生見是事已悉住清淨戒地又復若時提婆
達多於我起其忿恚打罵我於爾時不生瞋恨住忍
辱心有無量衆生見是事已皆住忍行所有精進禪
定智慧等行以提婆達多故我皆圓滿及令無量衆
生得大利益智上當知彼提婆達多雖於我所欲生
嫉害而能令我增長善法爲諸衆生作利益事是故

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 40

應知諸佛如來以善巧方便故於諸衆生隨所施作
皆令不壞所有報應又復如來於衆生界普偏觀察
有某衆生造如是因得如是報隨所觀已設諸方便
而爲化度智上如我上說種種法門皆是最勝善巧
方便如是法門不應於彼下劣善根衆生前說所以
者何所有衆生雖種聲聞緣覺相應善根而亦不能
於此最勝善巧方便中如理修學何以故非法器故
但當爲彼修菩薩法者如實宣說譬如盲人於夜分
中雖有光明亦不能見一切境相若有目人於其夜
分得彼光明而爲照耀一切境相悉能觀見菩薩摩

訶薩亦復如是已修菩薩最勝行法又能具足善巧
方便所有諸佛勝行解脫法門悉能通達智上若有
志求無上菩提諸善男子善女人愛樂法故縱在百
千由旬之外若有宣說如是善巧方便法門處而不
怖遙遠卽來聽受何以故若人聞是法已卽得廣
大光明所行清淨於佛法中離諸疑悔是故當知所
有天人四衆之中是法器者卽能愛樂聽受此法非
法器者雖復得聞不生愛樂佛說是法時有七萬三千
衆生發阿耨多羅三藐三菩提心爾時尊者阿難
白佛言世尊此經何名我等云何受持佛言阿難此

6 7 8 9 10 1 2 3 4 5 6 7 8 9 20 1

30 1 2 3 4 5 6 7 8 9 30 1

名善巧方便波羅密多正法亦名一切秘密最上波
羅密多正法如是名字汝當受持於後末世宣通流
布令諸衆生得大利益佛說此經已阿難等諸聲聞
智上等諸菩薩摩訶薩乃至世間天人阿修羅乾闼
婆等一切大衆聞佛所說皆大歡喜信受奉行

佛說大方廣善巧方便經卷第四

卷四

音釋

糲

盧達切脫粟飯也

丹陽居士賀懋熙懋照懋熒懋燭懋輝施刻此

卷計字八千五百箇該銀四兩四錢二分

萬曆癸亥歲夏四月徑山化城識

佛說大方廣善巧方便經卷一之四已上共字乙萬七千八百四十箇共該銀九兩二錢八分

6 7 8 9 10 11 12 13 14 15 16 17 18 19 20 1

信説大成

卷之三

二十一

通鑑

